

# WANTOK

NIUSPEPA BILONG OL PAPUA NIUGINI STRET

Ernst & Young audited/  
circulation 15,177

32 pes

Namba 973

Wik i stat long Fonde, Februari 25, 1993.

40 toea

## JEMANI GAVMAN WOKIM LO BILONG PIPIA LONG OK TEDI

KONIO SENEKA i raitim

OL PAPA bilong graun em Ok Tedi maining kampani i wok long en i ken amamas. Long wanem wok long hap i no inap bagarapim ol moa.

Dispela gutpela nius i bihainim tasol wanpela ol em palamen bilong kantri Jemani i

kamapim.

Ol sampela seaholda bilong Jemani long Ok Tedi i bin karim dispela kraik bilong ol papa graun i go long Jemani na palamen i bung long stretim.

Insait long dispela tok orait, Ok Tedi kampani nau bai stat long

painim gutpela ples bilong rausim ol pipia o marasin nogut em wok maining i save kamapim long hap. Na ol i no inap tromoi pipia nabaut long ol ples em ol man i stap long en.

Ol seaholda bilong Jemani i gat samting olsem 7.5 pesen sea long wok maining insait long Ok Tedi.

Wanpela mausman bilong ol papa graun,

Alex Maun i tok em i amamas tru long kain samting olsem i kamap.

Tingting bilong painim gutpela ples bilong tromoi ol pipia bilong ol wok long Ok Tedi i kamap taim planti grup, sios na sampela oganaisesen i toktok planti long ol bagarap em wok maining i kamapim long ol kaikai bilong gaden, abus bilong wara na bus na planti moa.

Gavman bilong Jemani i tok tu olsem ol bai baim kompensesen long ol komyuniti em wok long maini i bagarapim. Na tu ol i tok long kisim kain kain helpim i kam long ol dispela seaholda bilong Jemani.

Dispela tok orait i tok tu long kampani i mas lukautim ol bus na tok egrikalsa na i no long bagarapim.



*King bilong Lufa...Ol lain pipel bilong Lufa long Isten Hailans provins i karim Minista bilong Provinsal Afeas na Viles Sevises, John Nilkare taim em i go opim Viles Sevis Skim long ples bilong ol. Na em i tok dispela em i namba wan taim bilong gavman long givim K870,000 long ol pipel long yusim. Long Henganofi, em i givim moa long K1 milien. Foto: John Ewande.*

## Difens bai yusim nau Airlink balus

DOMINIC KAKAS i raitim

DIPATMEN bilong Difens i kisim pinis tok orait bilong Airlink, wanpela balus kampani long Rabaul long satarim balus bilong ol.

Ol i bin sainim dispela tok orait long mun Mas long 1991. Na difens Fos nau bai yusim dispela balus long karim ol opisa bilong ami, ol kago na samting bilong pait.

Dispela i kam aninit long tok orait bilong gavman.

Dipatmen bilong Difens i baim pinis K250,000 i go long Airlink long Rabaul olsem sekuriti mani bilong dispela wok.

Insait long wanwan mun, dipatmen bai baim K10,700 i go long Airlink. Dispela i min olsem long wan wan awa ol i yusim dispela balus, ol bai baim K450.

Dispela mani bai karamapim pe

bilong pailot, bensin, mentenens wok na balus yet em ol i yusim long en.

Romasi Gasi, siaman bilong Difens Saplai na Tenda Bot na Col Bubner Menesing Dairekta bilong Airlink i bin sainim dispela tok orait.

I gat wanpela ripot i tok tu olsem long las yia, Seketeri bilong Difens i bin laik rausim dispela kontrak long wanem dipatmen bilong Difens i wok long painim hevi long mani. Na tu dipatmen i bin gat K209,000 dinau long Airlink.

Tasol Mista Bubner i tok dispela i no tru long wanem dipatmen i bin bekim olgeta dinau bilong ol olsem na ol i no inap long rausim dispela kontrak.

Taim Wantok Niuspepa i askim seketeri bilong Difens sapos dispela i tru, em i tok em i no save bilong wanem na ol niusman i wok long bihainim o suvim nus tumas long bisnis bilong narapela lain.

### INSAIT

Madang Tuna fektori kisim tok orait bilong wok.....P17

Ok Tedi straik inap bagarapim kantri.....P17

Sios Kaunsil tok lukaut long narapela lotu .....P6



Biknem wel kampani bai wok long Hides 3....P19

Nupela edukesen program wok gut long Wes Nu Briten....P5  
Wokabaut bilong ol memba bilong Pala-men.....P4

## TOYOTA HILUX... NAMBA WAN TRU LONG PAPUA NIUGINI

STRONGPELA 4 WIL DRAIV  
2800cc DISIL PAWA...EM NAU!

# Ela Motors



PORT MORESBY 229400 • LAE 433655 • RABAU 921988 • MADANG 822188 • GOROKA 721844 • MT HAGEN 521888  
WEWAK 862255 • KAVIENG 942132 • KIMBE 935155 • TABUBIL 589060 • VANIMO 871254 • PORGERA 579367

# Ripot bilong Palamen kibung long dispela wik Egrikalsa Dipatmen laik kamapim raba na welpam plantesen long Is na Wes Sepik

MESERY GUBAG I raitim

EGRIKALSA Dipatmen nau i stadi sapos graun long Is Sepik na Wes Sepik i gutpela long ol kamapim ol raba na welpam plantesen.

Dispela i kamapim bihain long planti tabel i wok long kamapim namel long ol papa-

graun na ol welpam na raba plantesen wokman long ol arapela provins olsem Wes Nu Briten na Oro. Planti pipel bilong arapela hap i go na stap long dispela ol provins na wok long ol raba na welpam plantesen long hap.

Em i bin mekim dispela toktok long bekim askim bilong lida bilong Oposisen, Sir Michael Somare long Tunde, Februari 23. Sir Michael i bin askim sapos minista i lukim pinis wanpela ripot

Praimari Industri Dipatmen i bin mekim long bringim ol Sepik i go bek long ples bilong ol. Long wok long raba na welpam long ples bilong ol yet.

Mista Evara i bin bekim olsem em bai

sekim dispela ripot. Tasol dipatmen bilong em i stat pinis long sekim ol graun long Wes Sepik na bai i go long Is Sepik tu. Na ol bai lukim sapos dispela ol graun i gutpela long planim ol dispela samting.

## Wingti bai stretim Tari ples balus

PRAIM Minista Paias Wingti i bin tokim palamen long Tunde, Februari 23 olsem ol pipel bilong Tari i gat rait long gat gutpela ples balus.

Olsem na gavman bilong em bai lukluk long dispela. Tasol wanem yia ol bai stretim, em i no klia yet.

Em i bin mekim dispela tok long bekim askim bilong memba bilong Koroba/Lake Kapiago, Herowa Agiwa. Mista Agiwa i bin askim long gavman stretim Tari ples balus.

Bikos long tingting bilong em, Tari Airstrip i save sevisim ol pipel bilong Koroba, Lake Kapiago, Komo/Magarima na Tari. Na tu ol bikpela projek long Sauten Hallans olsem Hides Gas na Mt Kare.

Long bekim tok bilong em, Mista Wingti i tok em i luksave long wok bilong Tari Airstrip. Na gavman bilong em bai traim long stret dispela airstrip long sevisim ol dispela eria na projek.

Bikos long nau, dispela ples balus i save sevim klostu long 100,000 pipel long hap.



□ Primia bilong Madang Andrew Arlako na Deputi Primia Markus Kawo (wailpela slot) wantaim ol narapela bikman i karim bodi bilong Max Moeder i go long provinsal asembli haus.

# Oposisen sutim tok long Kaputin no bihainim Foren Afeas Lo

GODFRIED NIAKA I raitim

OPOSISEN mausman bilong Foren Afeas, Simon Kaumi i sutim tok long Minista bilong Foren Afeas, John Kaputin, long brukim sampela ol Foren Afeas na 10 taim em i go sekyuriti long

Indonesia. Mista Kaumi i mekim dispela toktok long Trinde, Februari 24, long palamen haus taim ol memba i bung. Kaumi i tok Mista Kaputin husat i bin go wantaim praim minista

Paias Wingti long Indonesia i no bin bihainim sampela ol sekyuriti lo.

Em i tok wanpela bilong ol dispela samting em i olsem Mista Kaputin i bin lusim Praim Minista Paias Wingti na ol man husat i go wantaim em long Indonesia i kam bek long Papua Niugini. Na em i bin i kam i go long

Australia. Mista Kaumi i tok olsem dispela pasin bai bagarapim gutpela nem bilong Foren Afeas dipatmen bilong Papua Niugini. Olsem na Praim Minista Paias Wingti i mas lukluk na rausim Mista Kaputin olsem minista bilong Foren Afeas.

Long bekim toktok bilong Kaumi, Mista Wingti, i tok olsem dispela ol toktok bilong em i no tok tru..

Wingti i tok em i tru olsem Mista Kaputin i bin lusim ol na kam i go long Australia. Em i no bin lusim Indonesia long laik bilong em yet. Nogat. Mi bin givim tok orait long em long go long Australia.

"Pastaim long Mista Kaputin i bin lusim Indonesia, em (Kaputin) i bin kam na tokim mi olsem Foren Afeas minista bilong Indonesia bai go long Jeneva long Swisalen.

Na em bai i no inap long toktok wantaim em. Olsem na taim em i toktok long lusim Indonesia mi givim em tok orait long em long go long Australia," Mista Wingti i tok.

Wingti tok moa olsem Mista Kaputin i bin mekim gutpela wok tru namel long em yet (Kaputin) na Foren Afeas minista bilong Indonesia. Olsem na em (Wingti) i nogat tingting long rausim Kaputin olsem minista bilong Foren Afeas.

Long sait bilong Mista Kaputin em i tok olsem em i no amamas long Mista Kaumi i sutim nating tok long em (Kaputin) long brukim na i no bihainim sampela Foren Afeas lo.

Mista Kaputin i tok dispela i bagarapim nem bilong em. Bilong wanem ol toktok we mista Kaumi i mekim, i no tru.

## Kabinet wokim nupela Fores polisi

OLGETA timba kampani insait long kantri nau mas aplai gen long kisim laisens long katim diwai.

Nau i gat nupela bodi husat i teko-va pinis long wok bilong Fores Dipatmen insait long kantri. Dispela bodi em Nesenel Fores Bod Atoriti.

Fores Minista Tim Neville i bin tokim palamen long Tunde, Februari 23 taim ol memba i mekim namba wan bung bilong 1993. Em i bin bekim askim bilong memba bilong Westen Provins, Dere Wamaro long dispela taim.


Long taim bilong 'Kwesten i nogat notis', Mista Wamaro i laik save long as wok bilong katim diwai long

Makapa Timba Rait Permit long Westen Provins i no stat. Na Mista Neville i bin bekim olsem.

"Long 1988, olpela gavman i stapim olgeta wok bilong ol timba kampani long kantri." Na long Jun las yla, gavman i bin mekim wanpela lo rausim Fores Dipatmen.

"Olsem olgeta wok bilong Fores Dipatmen nau istap aninit long lukaut bilong Fores Atoriti. Na long nau mipela i stretim ol lo bilong bosim wok bilong fores insait long kantri.

"Olsem na long nau, olgeta wok bilong ol nupela timba projek i stap," Mista Neville i tok. Em i tok bihain long kabinet i pinis stretim ol polisi, em bai tok save long palamen.



MOSBI: Long las wik Fraide 8-pela raskol man i bin stapim wanpela ka we i karim 4-pela meri wantaim ol man bilong ol na wanpela hai skol meri.

Dispela ol raskol i bin karamapim pes bilong ol. Na yusim wanpela liklik bas em ol i stilim na pasim rot. Dispela trabel i bin kamap long rot bung bilong Porebada na Lealea long samting olsem 5 klok apinun.

Ol raskol man i bin yusim ka bilong ol dispela lain na kisim olgeta lain i go wantaim ol. Bihain ol i askim dispela ol meri wantaim man bilong ol long wakabaut i go insait long bus.

Dispela 8-pela raskol man i pasim ol man long sampela diwai. Na rausim ol klos bilong ol meri na wokim nabaut long bodi bilong ol. Ol i bin ranawe taim sampela plis man i kam painim ol.

Ol raskol i bin stilim K2000 na ranawe. Dispela ol lain inap kamapim bikpela bagarap sapos ol plis i no bin go hariap.

MOSBI: Wanpela yangpela meri Porebada i bin dai long las wiken taim em i kalap long ka em i stap antap long en.

Sampela raskol i bin kisim em wantaim liklik susa bilong em long haus bilong ol. Na ol i hait na laik kisim ol i go long wanpela hap. Dispela meri i pret na kalap long ka na brukim nek bilong em na dai.

Ol raskol man i no bin tingting long sekim meri ya. Ol i lusim em i stap na kisim liklik susa bilong em i go na bagarapim em.

MENDI: Ol raskol i bin stilim K44,000 long las wik Fraide. Dispela mani em pe bilong ol wokman bilong wanpela gavman dipatmen long Mendi.

Plis ripot i soim olsem pe masta i bin go long PNGBC beng wantaim K44,000 sek na rausim dispela mani long baim ol wokman.

Taim em i pinis long beng em i karim dispela mani i go long opis. Em i laik go insait stret long opis na wanpela man i ron i go na stat long pulim beg mani long em. Tasol meri ya i strong na laik traim rausim man ya na narapela poroman bilong dispela man husat i sindaun long ka i kisim gan na pairapim. Taim meri ya i harim pairap bilong gan em i pret na lusim mani. Na dispela raskol man i kisim mani ya i go.

Dispela ol raskol i bin yusim wanpela ka em ol i stilim long Hagen. Plis i save long wanem ol lain i bin wokim dispela pasin. Na ol i ting ol bai holim sampela bilong ol.

GOROKA: Plis long Goroka i holim pinis draiva bilong wanpela ka bihain long dispela ka em i draivim i kapsait na kilim wanpela man. Dispela trabel i bin kamap long Fraide 19, Februari.

Ka ya i lusim Asaro na laik i go long Goroka taim dispela birua i kamap. Dispela ka i bin kapsait klostu long ples Kefamo.

Long dispela birua tripela man i bin kisim bagarap. Na ol i kisim ol i go long Goroka haus sik. Wanpela bilong ol i bin dai long Sarere. Dispela em wanpela de bihain long em i kisim birua.

LAE: Plis i pret tru long 14 kalabus husat i bin ranawe long Buimo haus kalabus long las wik Fonde.

Ol i askim ol lain husat i stap long Lae long was gut taim ol i raun. Dispela ol lain i no gutpela na ol i ken kamapim bagarap. Plis i askim nau ol pipel long toksave hariap long plis sapos ol i lukim wanpela bilong ol dispela raskol.

Wanpela bilong ol em Jupui Kapera husat i kalabus long kilim wanpela plisman na distrik kot klek long Garaina long 1989. Em i bin kalabus 18 yia long stilim ol samting na yusim ol samting bilong pait olsem gan.

Plis i pret tru long Kapera na arapela 6-pela man em ol i tok i gat rekot nogut long pasin raskol. Bikos dispela ol lain inap kamapim bikpela bagarap.

Dispela ol lain i bin ranawe long samting olsem 11 klok moning long Fonde taim ol kalabus i laik go kisim kaikai long belo. Long dispela taim tupela woda tasol i bin stap long lukautim ol kalabus long kisim kaikai.

Moa plis ripot long pes 13

# Plis sekap long Kerema pis kampani

KONIO SENEKA I raitim

DIPATMEN i bosim wok bilong painim na lukautim pis insait long kantri i odaim pinis ol lain bilong Nesenel Fraud na Enti Korapsen skwat long sekap long ol wok bilong Kerema Be Fiseris kampani. Seketeri bilong Fis-

eris, Joe Gabut i bin givim dispela tok orait insait long wanpela pas em i raitim long 15 Februari i go long dispela tupela han bilong lo. Em i mekim olsem bihain long ol komplem em menesing dairekta na bikpela seaholda bilong KBF, Donald

Aiseapo i mekim. Long pas bilong em, Mista Gabut i tok i tru olsem dispela hevi em samting bilong kampani yet. Tasol em i mobeta long plis i mekim wok painimaut na tokaut long husat i paulim mani na i rong.

Kerema Be Fiseris i no wok moa bihain long hevi i kamap namel long Mista

Aiseapo na tupela waitman husat i wok wantaim em.

Long ol toktok bilong em, Mista Aiseapo i tok olsem tupela waitman i bin stilim moa long K400,000 long kampani bilong em taim tupela i "helpim" em long Galp provins.

Em i tok dispela tupela man, Graham Parker, wanpela save-man bilong bisnis na Jeff Dickens, olupela loya bilong Beresford

Love Francis & kampani loyas i bin stilim mani bilong KBF na putim long akaun bilong ol yet. Na Mista Aiseapo i tok em i no bin save long ol dispela samting.

Mista Aiseapo i tok long taim tupela i wok long hap, kampani i no bin kisim ol long wok olsem ol loya na akaunten bilong kampani. Kampani i bin yusim Mista Dickens long 1986 long baim

wanpela sip bilong painim pis long Australia.

Mista Aiseapo i salim tu wanpela pas i go pinis long Deputi praiminista na minista bilong Fainens na Plening, Sir Julius Chan.

Long dispela pas, em i askim long wanpela sek em gavman i givim long bekim dinau bilong KBF. Mak bilong dinau mani antap long sek em K17,752.53 i

go long ANZ Beng long 16/6/92.

Olsem bos bilong kampani, Mista Aiseapo i tok em i no save long husat tru i bin putim aplikesen bilong kisim helpim mani long Dipatmen bilong Fainens na Plening.

Na bihainim ol dispela samting, Dipatmen bilong Fainens na Plening i sekap nau long ol ripot na rekot bilong ol.

## Madang laik salim ol gavman haus na ka

CLEMENT MIRIA I raitim

MADANG Provinsal Eksekutiv Kaunsil i orait pinis long salim ol gavman haus na ka em ol provinsal minista i yusim long kisim bek sampela mani pastaim long nesanel gavman i saspenim ol.

Long wanpela kibung long 1 Januari, PEC i tok provinsal gavman bai askim Nesenel Hausing Kopresen sapos inap long ol memba i ken baim ol haus em ol i yusim nau.

PEC i bin holim dispela bung bihain long ol i harim olsem nesanel gavman bai saspenim provinsal gavman.

Primia Andrew Ariako yet i bin stap olsem siaman na go pas long dispela bung.

Ol loya bilong provinsal gavman i no bin orait long dispela tingting. Tasol ol i no harim toktok bilong ol loya.

Ol loya i bin tokim ol olsem tingting bilong salim ol gavman haus na ka i no inap helpim provinsal gavman. Long wanem sapos provinsal gavman i saspen, bai i gat wok painimaut i kamap tu long dispela tingting bilong salim ol samting.

Ol memba i orait tu long givim ol yet ritaimen mani em ol bai kisim long pinis bilong yia 1994.

Sampela pepa em Wantok i kisim i tok olsem ol memba bai kisim dispela mani bihain tasol long provinsal gavman i saspen o pastaim long provinsal gavman i saspen.

Na tu PEC long wanpela narapela bung long Jenueri 29, 1993, i kamap wantaim wanpela disisen long apim ritaimen benevit bilong ol memba long wan handet pesen (100%) i go antap long tu handet pesen (200%).

Na bisnis han bilong provinsal gavman-Madang Developmen Kopresen-bai baim dispela wan handet pesen.



Sanap long lain...ol halskul sumatin bilong Pogera i sanap long lain nau bilong kisim bisket long kalkal long taim bilong malolo. Na bihain ol bai go bek long skul. Save, nau tasol skul i stat na ol skin tu tait nabaut. Foto: Rudolf Ayu.

## Ol Rabaul wokman kotim ToBaining

JOE KORO I raitim

SAMPELA olupela wokman bilong Vamda Investment Pty Limited long Rabaul bai kot wantaim menesing dairekta bilong kampani, E'eman ToBaining.

Mista ToBaining i olupela provinsal memba bilong Is Nu Briten.

Ol i givim kot pepa long em bikos ol i tok olsem kampani i no bin givim ol ovataim na lip pe bilong ol taim ol i wok long hap.

Wanpela meri husat i bin wok wantaim kampani bipo, Gwen Vetuna i tok planti bilong ol i bin wok tripela mun na i no kisim pe.

Na bihain kampani i bin rausim ol.

Na i no baim ol gut. Vamda Investment em wanpela bisnis bilong olupela rijonal memba bilong Is Nu Briten.

Na em i bin kamapim dispela bisnis long Ilektrik Developmen Fan mani bilong em long helpim ol pipel long ilektret bilong em. Long kamapim ol liklik bisnis olsem tred stua, pik fam, kakao fementri na haus kopra, ol liklik kakao na kopra plantesan na planti narapela liklik bisnis nabaut.

Tasol dispela tingting i bin popaia olgeta bihain long 1992 nesanel ileksen. Olgeta samting i bin bagarap na wok bilong kampani i pundaun.

Na kampani i no baim ol wokman bilong em. Na nau menesing dairekta bilong kampani na ol wokman bai kot.

## Nesenel Kot kalabusim lida bilong 585 long stilim meri inap long 14 yia olgeta

NESENEL Kot long Lae i bin kalabusim wanpela lida bilong ol raskol grup ol i save kolim olsem '585' wantaim tupela boi inap long 34 krismas olgeta.

Jas hsuat i harim kot, Jastis Tracey Doherty i bin salim Makola Tamean husat i gat 26 krismas i go kalabus inap long 14 krismas.

Na em i salim Freddy Gango husat i gat 24 krismas na Alfred Kumbu husat i gat 16 krismas i go long 10-pela yia kalabus.

Kot i harim olsem dispela ol man i bin pulim wanpela yangpela meri long haus bilong papamama bilong em long ples Boring long Pindiu distrik long mun

Februari, 1991. Na ol i kisim em i go long wanpela PTB ka ol i bin stilim long en.

Taim lapun papa bilong meri ya i laik stapim ol, ol i solapim em. Ol i kisim ka na i go long wanpela maunten na tromoi ka i go daun long baret. Na ol i ranawe i go insait long bus na hait i stap inap

long 10-pela de olgeta.

Long dispela taim, ol i kisim meri ya i raun wantaim ol. Na mekim kain kain pasin long em. Bihain ol i givim em i go long han bilong em. Ol i kisim ka na i go long wanpela maunten na tromoi ka i go daun long baret. Na ol i ranawe i go insait long bus na hait i stap inap



# WANTOK

NIUSPEPA BILONG OL PAPUA NIUGINI STRET

## Palamen bung gen

Palamen i bin stat bung long dispela wik. Na ol toktok i wok long go het long namba tri de taim Spika i rausim bung long sampela taim bikos lapun Sir Pita Lus i tok bek strong tru.

Nau oposisen i yusim sampela ripot long raun bilong ol minista i go long ovasis long autim ol pekato long plua bilong palamen na pablik.

Dispela kain ol sut tok nau i kamapim nara-pela askim gen longol kain lo kantri i gat sapos ol stori ya i tru.

Hamas lo tru em yumi gat na ol i bilong husat?

Narapela samting em long toktok bilong provinsal gavman gen. Palamen i bung na ol provinsal lida i tingting planti. Ating planti i lusim ol provins bilong ol na kam stap raun long Mosbi.

Ol dispela lain i gat kain kain as bilong kam raun long hia. Tasol olgeta i givim kain kain bekim long dispela.


Tasol wanem samting Palamen i kamapim bihain long dispela bung, em i mas sut long helpim ol liklik-manmeri. Bikos wanem senis nau i kamap bal givim bikpela helpim o mekim save long ol pipel. Olsem na olgeta nesanel lida long palamen i mas tingting gut pastaim long ol i autim tingting bilong ol.

Long dispela mun tu, sampela biknem lida long kantri i dal. Na dispela i lusim kantri wantaim bikpela hevl. Tasol moa yangpela i kamap long kisim ples bilong ol.

## Wokabaut bilong ol memba long Palamen: hap 3

### MESERY GUBAG i raitim

STORI bilong foapela moa provinsal memba long Nesanel Palamen bilong yumi.



Nem: John Tekwie Talu  
Ilektret: Sandaun Provinsal  
Krismas: 32 yia  
Pati: PAP  
Lotu: I no tok save

Mista Tekwie i wanpela yangpela man husat i bin sanap long ileksen na winim olpela memba, Karl Stack long las yia. Long sait bilong eduke-sen, em i bin skul i go inap long Yunivesiti. Na greduet wantaim wanpela digri long Ekonomiks long 1983.

Bihain em i joinim Tred na Industri dipatmen na wok wantaim ol. Em i bin risain long wok long 1985 na go bek long ples. Na em i stap na mekim ol liklik wok bilong em yet inap long las yia taim em i resis long ileksen na win.



Nem: Sir Michael Somare  
Ilektret: Is Sepik Provinsal  
Krismas: 57 yia  
Pati: Pangu  
Lotu: Katolik  
Plantu pipel i save kolim Sir

Michael olsem papa bilong Papua Niugini. Bikos em tasol i bin stap sief minista taim Australia i givim indipen-dens long PNG.

Em i bin statim wok politik bilong em long 1968. Na long dispela taim i kam inap nau, em i stap yet olsem memba long Palamen. Em i bin namba wan praim minista bilong kantri. Sir Michael i no bikman tasol long politik, em i wanpela sief tu long ples bilong em long Karau long Murik Leks insait long Is Sepik.

Mama i bin karim em long 1936 long Rabaul. Na em i bikpela long Karau yet. Pas-taim long Sir Michael i kamap wanpel politisen, em i bin wanpela tisa na redio anaunsa.

Nau Sir Michael i oposisen lida long namba 5 Nesanel Palamen. Long ileksen las yia, em i bin winim olgeta arapela kandidate husat i win long ileksen wantaim namba bilong vot em i kisim. Em i bin win wantaim 54,714 vot olgeta. Sir Michael i lida bilong Pangu Pati.




Nem: Jerry Nalau  
Ilektret: Morobe Provinsal  
Krismas: 55 yia  
Pati: Pangu  
Lotu: Luteran

Mista Nalau i bin wok olsem primia bilong Morobe provins taim em i winim dispela sia.

Em i bin winim dispela sia long man husat tu i bin wan-pela olpela primia bilong Morobe, Utula Samana.

Em i bin skul i go inap long mak bilong gret 10. Na pas-taim long em i go insait long wok politik, Mista Nalau i bin wok olsem wanpela Distrik Komisina.



Nem: Tim Neville  
Ilektret: Milen Be Provinsal  
Krismas: 36 yia  
Pati: Indipenden

Lotu: I no tok save

Mista Neville i memba bilong Milen Be rijnal sia. Long taim bilong kamapim gavman, em i bin bungim ol arapela indipenden kandidate wantaim ol lain bilong Paia Wingti (PDM) na Sir Julius Chan na kamapim gavman nau.

Nau em i holim wok insait long gavman olsem minista bilong Fores na Sivil Eviesen.

Mista Neville i wanpela wait-man tasol em i sitisen bilong Papua Niugini.

Pastaim long em i kamap memba, em i bin wanpela bisnisman.

Moa stori bilong ol memba neks wik

## Auali tok amamas long nupela Dei MP

### SIMON KUK i raitim

MEMBA bilong Tambul/Nebi-lyer, Vincent Auali i salim pinis tok amamas bilong em i go long nupela memba bilong Dei open, Reuben Parua.

Em i tok pasin ol pipel bilong Dei eria i wokim i soim olsem ol i bihainim tru rot bilong fridom na laik bilong wan wan.

Mista Auali i tok nupela memba i wanpela yangpela man husat gat bikpela save. Na em i stretpela man long makim maus bilong ol pipel bilong Dei long Nesanel

Palamen. Westen Hailans nau i gat 5-pela memba long sait bilong gavman.

Mista Auali i askim tu ol kandidate husat i lus long wokbung wantaim nupela memba na no ken kamapim tabel.

Mista Parua i win long 4,494 vot. Man husat i kam bihain long em, Koi Ranpi i kisim tasol 3,522 vot.

Bai-ileksen i bin kamap long Dei long wanem komiti bilong sekap long ol lida husat i brukim lo i karamapim wok bilong ol, Lidasip Traibunel i painim olsem olpela memba, Melchior Pep i bin asua long paulim pablik mani.

## Wes Sepik minista laik stap olsem namelman

### WINIS MAP i raitim

PROVINSAL minista bilong Fores long Wes Sepik, Kevin Imba i tokaut olsem em bai wok olsem namelman wantaim nesanel na provinsal gavman, kampani na ol papa graun.

Bikos em i laik lukim gutpela wokbung i kamap namel long nesanel na provinsal gavman wantaim kampani na ol papa graun. Olsem bai ol gutpela wok developmen inap kamap long provins.

Mista Imba i bin mekim dispela tok-tok taim em i tokaut olsem bikpela winmani provinsal gavman i kisim long baset i save kam long royelti mani bilong ol timba.

Em i tok insait long 4-pela yia, Yalu gavman i bin yusim samting olsem K2.6 milien bilong dispela royelti mani long baset. Na em i bilip nupela gavman bilong Primia Peien Aloitch bai kisim wankain helpim yet.

"Timba em wanpela bikpela rot

bilong provinsal gavman long kisim mani long en. Bikos i no gat narapela bikpela projek. Olsem na yumi olgeta i mas wokbung na wokim olgeta lain i amamas taim yumi wokim ol agrimen."

Mista Imba i tok Wes Sepik i gat sampela eria i pulap long ol gutpela timba. Na nau yet i gat ol wok painimaut long Amanab blok 1 i go inap long blok 4.

Long dispela yia, provinsal gavman i givim pinis K26,000 bilong mekim ol wok painimaut. Long las yia, em i bin givim K15,000 bilong ol dispela wok.

Ol arapela timba eria em Fores Dipatmen laik wok long en em long Pegi Pulan, Waromo ekstensen, Wutung timba (Vanimo distrik), Rome, Tadzi na Aitape wes kos timba (Aitape distrik), Kobarai timba (Lumi distrik), Arko, Sawai na Yansi Munumbual timba (Nuku distrik) na Duranmin timba long hap bilong Telefomin.

Sapos olgeta samting i ron stret, ol wok bai stat long dispela yia.

# WANTOK

NIUSPEPA BILONG OL PAPUA NIUGINI STRET

P.O. Box 1982 BOROKO  
Telepon Namba: 25 2500  
Feks Namba: 25 2579

## PE BILONG WANPELA YIA 52 NIUSPEPA

PLES	AIR
Mosbi	K30.00
Arapela PNG eria	K60.00
Australia na Nu Silan	K92.00
Esia pasifik na Japan	K123.00
Amerika na Yurop	K180.00

BIABIA I NO SAVE HARIM TOK BILONG BOS OLGETA TAIM...



NAU OL ARAPELA WOKMAN/MERI SENISIM NEM BILONG BIABIA...



BOS I SAVE BELHAT LONG EM OLTAIM... EM SAVE SINGAUTIM BIABIA OLSEM TEKI O YO-YO



OL I LAP I STAP NA BIABIA BELHAT NOGUT TRU NA BIKMAUS LONG OL...





■ **KANAGE** aplai long kisim 99 yia kontrak long Kavugara long Kimbe insait long Wes Nu Briten. Tasol bihain liklik, ol papa graun komplem na Kanage kisim ol kago wantaim famili bilong em na go long Biaila. Tasol long hap, tok save i kamap long redio olsem maunten paia bilong Ulawan i laik pairap. Kanage harim olsem tasol kirap givim siksti go bek long Kimbe. Tasol em i no kisim famili bilong em i go wantaim em. Long hap, tambu bilong em kirap askim em long meri wantaim famili. Kwiktaim Kanage bekim, "Yu no save long mi a? Mi het-pas man ya. Mi kisim wanpela drapela ston na pasim ai bilong maunten paia pinis. No waris." Tambu bilong em harim olsem na i no laik askim moa.  
Harryson Wakai,  
Kimbe, W.N.B.P.

□ Kanage go raun long Boroko taun long Mosbi siti na saitim wanpela stall meri Papua stret. Em lukim meri ya na dai olgeta stret long em. Meri ya i kam klostu na em i askim: "Mi gat laik ya, i gat spes o."

Meri Papua tanim na lukim Kanage. Em i no toktok. Em small tasol long Kanage na wokabout i go. Kanage lukim olsem na amamas nogut tru. Em save olsem em i autim meri ya pinis. "Tete bai mi kaikai em nau," em tingting tasol.

Em bihainim meri ya yet i go. Wanem stua meri ya i go insait, Kanage bai go insait tu na giaman long sekim ol klos laplap. Tasol hap ai bai pas yet long meri ya. Meri i no save olsem Kanage i bihainim em.

Orait long maket ples, em kalap nogut taim Kanage i holim as bilong em. Em tanim na lukim Kanage gen na bikmaus: "O wanpela smatman tru, em yu tasol mi bungim long-taim. Ating yu laik smelim kapupuk bilong mi ya."

Em tok olsem na kapupuk stret long pes bilong Kanage. Man Kanage kisim taim stret long smel nogut na sem pipia wantaim long bilong ol manmeri.

Sem taim wanpela man i singaut long baksait: "Em i orait, em smelim pinis ya. Givim samting tru long em."

Sapri Masmambu,  
Godens, Mosbi.

□ **MERI** bilong Kanage i gat bel na i go long haus sik. Na Kanage wantaim liklik pikinini man tasol i stap long haus. Orait long wanpela apinun, Kanage i tokim pikinini long stap long haus na em bai go raun long rot. Tasol pikinini i kra i na tok long bihainim em. Kanage i les tru long pikinini long bihainim em. Olsem na em i wasim pikinini pinis na laik giamanim em long slip. Tasol nogat ya. Liklik pikinini ya i save gut tru na giaman slip isi tasol i stap. Em nau Kanage i ting olsem pikinini i slip dai pinis. Olsem na em i go kisim sampela ston na i go sanap arere long wanpela haus na i wok long tromoi ston long wanpela meri i stap. Em i no save olsem pikinini bilong em i kam bihainim em wantaim sampela ston. Kanage i sut i go na ol ston i pinis. Na taim em i laik tanim long painim sampela moa, em i lukim pikinini sanap baksait wantaim sampela ston. Pikinini kirap na tok, "Papa, sampela moa ston hia." Kanage harim olsem na ai bilong em i raun na em i givap olgeta.

Clip Rich  
Kokopo  
RABAU

## Nupela edukesen program wok gut long Wes Nu Briten

**STEFAN KADIKO** i raitim

SEKETERI bilong Edukesen, Jerry Tetaga i bin kirap nogut tru long ol senis i kamap aninit long "Edukesen Rifom" program long Wes Nu Briten provins.

Mista Tetaga i bin tokaut long dispela taim em i go raun lukluk long ol dispela senis stat long Trinde i go

inap long Fonde, 18 Februari.

Em i tok, "Mi no bilip long ol kain senis olsem i kamap. Dispela i soim olsem gavman bilong Wes Nu Briten i wok long givim planti helpim long ol wok edukesen long provins."

Em i tok dispela program i stap insait tu long 12-pela yia plen bilong nesene gavman em ol i laik kamapim. Bikos planti politisen na pablik i

save sutim tok oltaim olsem wok edukesen insait long kantri i no save ron gut. Na planti pikinini i no save painim wok, tasol dispela program inap helpim gut ol pikinini.

Aninit long program, bai i no gat ol skul liva long gret 1 i go inap long gret 8. Olsem bai ol pikinini inap lainim gut samting na save long rit na rait taim ol i go bek long ples. Program bai karamapim tu

bikpela wok bilong ol tok ples o elementri skul. Dispela skul em inap long tripela yia. Bihain ol bai statim gret 4 i go inap long gret 8 aninit long wanem samting ol i kolim praimeru propa. Na haikul o sekendri skul bai stat long gret 9 i go iap long gret 12.

Na long dispela rot, no gat planti pikinini bai lusim skul na ol bai inap lainim gut samting na gat save long rit na rait.

## Afrika dokta helpim ol lain Baiya

**SIMON KUK** i raitim

TINSLEY helt senta long Baiya distrik bilong Westen Hailans provins i gat namba tu dokta gen.

Dispela man em Dokta Adensanya Sobaki bilong Afrika. Em i marit na i gat 4-pela pikinini. Na em i save wok olsem dokta bilong katim ol man.

Pastaim long em i kam long Hagen long Fonde, 11 Februari, Dokta Sobaki i bin stap wok long Yunaited Kingdom inap long 16 krismas. Na famili bilong em i stap yet long hap.

Maski em i no save gut yet long ples hia, Dokta Sobaki i amamas tasol long kam na helpim ol wanskin bilong em long Papua Niugini.

Narapela dokta bilong hap tu i bin kam pastaim anirit long wanpela volentia oganaisesen ol i kolim olsem Volunteri Sevis Ovasis (VSO).

## VFP wokim nupela ples balus long Sera

**FELIX RAMRAM** i raitim

OL pipel bilong ples Sera insait long Aitape wes kos long Wes Sepik provins na ol narapela ples i stap klostu i gat wanpela ples balus nau.

Vanimo Fores Prodaks kampani i bin wokim dispela ples balus. Na wok bilong dispela i stap inap long 4-pela mun.


Ol bai opim Mainravi ples balus long Sarere, 27 Februari. Long dispela taim, Primia bilong Wes Sepik, Peien Aloitch bai givim K20,000 i go long ol papa graun bilong baim hap em ples balus i stap long en.

Ol pipel bilong Sera i amamas tru long wanpela ples balus long hap bilong ol. Olsem na ol yet i

redim pinis olgeta samting bilong opim ples balus. Jeneral menesa bilong Vanimo Fores Prodak, Philip Tiong i tok wok bilong Mairavi ples balus inap pinis longtaim yet. Tasol ren i pundaun na pasim wok long sampela taim.

Em i givim bikpela tok amamas tu long nesene gavman long mekim olgeta samting isi long wok bilong Sera timba ekstensen. Olsem na wok bilong kampani nau em long traim na bihainim olgeta samting i stap long agrimen.

Mista Tiong i amamas tu long ol papa graun long wanbel wantaim kampani long ol wok long graun bilong ol. Dispela i soim olsem ol pipel i gat bikpela laik long wok developmen. Na kampani bai stap wok long hap inap long 17 yia olsem agrimen i tokaut long en.



• Bikpela win i kirap na bagarapim stret nambis bilong Sera long Aitape wes kos long Wes Sepik provins. Vanimo Fores Prodak kampani bai wokim bris long dispela hap.

## Nem bilong haikul senis taim Simbu lida dai

**MICHAEL KOMA** i raitim

NEM bilong wanpela haikul insait long Simbu provins i bin senis gen long dispela yia taim papa bilong dispela nem i dai.

Yauwe Moses haikul nau i senisim nem na kamap olsem Yauwe Moses Memorial haikul.

Yauwe Mauwe Moses bilong ples Rende insait long Siane eria long Suave i bin dai long Trinde, 10 Februari long Kundiawa haus sik. Em i bin winim 73 krismas taim em i dai na lusim meri wantaim tripela pikinini, tupela man na wanpela meri.

Taim toktok i kamap long Kundiawa taun olsem Mista Moses i dai, ol wokman bilong provinsal gavman i daunim fleg i go stap long hap mak. Dispela i bilong soim rispek long dispela lida husat i bin kamapim planti samting long Simbu na Papua Niugini.

Long Fonde, 18 Februari, ol i karim bodi bilong Mista Moses i go long provinsal asembli haus na ol provinsal memba wantaim ol arapela pablik sevan i go lukim.

Bihain ambulens i karim bodi bilong Mista Moses i go ples bilong em long Rende long as bilong Maunten Elimbari. Tupela ka bilong ol plisman na ol narapela ka i pulap wantaim ol manmeri i bihainim ambulens.

Long Fraide, 19 Februari, ol i kisim bodi bilong em i go long Yauwe Moses haikul taim helikopta tu i bringim Praim Minista Pias Wingti wantaim ol arapela bikman bilong go lukim bodi bilong Mista Moses na tok sori long famili bilong em.

Long ol toktok bilong em, Misti Wingti i tokim moa long 7,000 manmeri, "Yauwe Mauwe Moses i wankain tasol olsem Siwi Korondo (wanpela lida long Simbu em planti manmeri i save long em). Moses i no winim bikpela skul o i gat bikpela save. Tasol em i bin mekim planti samting tru long helpim ol pipel bilong em long taim em i yangpela na stap lida.

"Yumi mas tingim ol samting em ol lida bilong yumi i mekim. Na bihainim dispela. Sapos olgeta pipel i bihainim stret ol gutpela rot na wokim samting, kantri bilong yumi bai ran gut tru."

**HONDA**  
FOR NEW HORIZONS  
**XR250R**  
ONCE ONLY PRICE  
**K5670.00**



Also available  
XL185S - K2825.00  
XL125S - K2795.00  
CT110A - K2460.00

CALL HILLARY



**TOBA LAE**  
MOTORS 42 2611

CRAFTWORKS/TOBA2492

# TU MINIT TINGTING

## MALOLO BILONG STRONGIM BEL

TUDE long Gutnius, yumi save stori long taim Jisas i kisim tripela disaipel i go long wanpela liklik maunten. Hia Jisas i kamap narakain tru na ol disaipel i bin lukluk i go insait long heven inap long wan minit tasol. Tasol dispela wan minit i bin strongim bel bilong ol inap ol i dai. Stat long dispela taim, nau ol i lukim ol samting bilong graun long narapela kain ai. I olsem ol i kisim nupela aiglas.


Nau mi laik stori long dispela aida. Long wanpela de, wanpela lapun wantaim tumbuna pikinini bilong em i karim tamiok na i wokabaut i go long bus. Tupela i laik painim wanpela gutpela diwai bilong wokim kanu. Long taim tupela i wokabaut i go, bubu i soim liklik boi, olsem wanem na i gat planti kain kain diwai long bus, na wan wan i gat gutpela poin bilong en. Sampela i gutpela long wokim pos bilong haus; sampela i gutpela bilong brukim plang; sampela i gat planti han bilong wokim ol sarnil; sampela i gat gutpela skin bilong wokim plua bilong haus,

o gutpela lip bilong wokim morota.

Orait, nau ol i kamap long wanpela draipela diwai i krungut nabaut na i gro kranki. Liklik boi i tok, "Bubu, mobeta yumi katim dispela diwai, em inap long paiawut tasol."

Tasol lapun i bekim tok olsem, "Maski bilong nau. Larim diwai ya i stap yet. Mobeta yumi wok long painim gutpela diwai bilong wokim kanu pastaim."

Bihain long sampela awa, tupela ya i les na i laik kisim win. Orait, nau lapun i bringim boi i go long dispela diwai i krungut nabaut na tupela i sindaun aninit long en na i malolo. Nau bubu i skulim tumbuna na i tok, "Yangpela, yu mas skelim gut olgeta diwai i stap nabaut long bus. Wan wan i kain kain, na wan wan i gat wok long en. Olsem na nau yumi lukim dispela lapun diwai i krungut nabaut na pastaim yu laik katim daun, nau em i mekim gut long yumi na i haitim yumi long san. Yu lukim:



FRANK MIHALIC i raitim

em i no paiawut nating; em i pren bilong yumi.

"Yangpela, yu harim nau. Yu mas no ken daunim kwiktaim namba bilong planti samting i stap nabaut long yu. God i bin givim wok long olgeta samting, olsem em i bin givim long dispela diwai nau yumi sindaun aninit long en na kisim win."

Ating tripela disaipel i bin lukim Jisas i narakain na heven em i narakain, ol i bin kisim dispela sem skul. Nau ol i stat long lukim Jisas na ol arapela samting long nupela kain ai. Dispela em i bilong strongim bel bilong ol long taim Jisas na ol tu bai painim taim nogut.

Yumi mas kisim tupela skul long dispela Baibel stori.

Long sampela taim yumi tu i mas lukluk i go long heven. Long taim yumi tingim heven, yumi save lukim ol samting nabaut long nupela kain ai.

Sampela taim tu yumi mas ranawe inap liklik taim na kisim win na sarap na toktok wantaim God. Dispela kain taim em inap senisim yumi, olsem em i bin senisim tripela disaipel long stori. Nau yumi tu bai kam bek long laip na wok bilong yumi, na ol samting bai luk narakain. Yumi save lukim ol samting wantaim nupela kain ai.

Yumi olsem ol man bilong Pogera na Misima na Maunten

Kare na Lahir: ol saveman i bin opim ai bilong ol, na ol i kam bek long ples na ol i lukim graun bilong ol long narapela kain ai. Long wanem dispela graun nating ol i bin lukim bipo, nau em i senis olgeta long ai bilong ol. Long wanem, nau i gat gol insait long en. Tasol lukim gut nau na harim gut! Dispela graun i no bin senis. Nogat. Tingting na save bilong ol papa bilong graun i bin senis. Watpo? Bikos ol i kisim nupela save, na dispela nupela save i givim narakain luk long ol samting.

Harim! Ol samting nabaut long yumi i no save senis. Yumi yet i save senis. Na taim yumi senis, yumi olsem ol tripela disaipel long stori na yumi senis olsem ol man bilong Pogera na Maunten Kare. Nau ol i lukim gen ol samting, tasol nau ol samting i luk narakain.

Yumi tu i mas ranawe na stap wantaim God inap liklik taim, olsem tripela disaipel ya. Bihain yumi bin stap inap liklik taim wantaim God, dispela bai givim nupela mining long ol samting i stap nabaut long yumi.

# Sios kaunsil tok lukaut long ol narapela lotu

ELLIOT RAPHAEL i raitim

PAPUA Niugini Kaunsil bilong ol Sios (PNGCC) bai toktok strong yet na askim gavman long tambuim ol kain kain lotu long kam insait long kantri.

Kaunsil i no laik rausim ol lotu husat i onaim tu Nem bilong God. Nogat. Kaunsil i laikim gavman long tambuim ol lotu husat i

no save lotuim God tru na long pasin i tru.

Long ol toktok bilong ol long Tunde, ol mauslain bilong PNGCC i tok planti sios i save lotu long Nem bilong God Triwan o Papa, Pikinini na Holli Spirit. Tasol planti nupela lotu nau i kam na i no bihainim dispela. Na em i soim olsem ol i no

Kristen sios tru.

Siameri bilong PNGCC, Rose Muingnepe na Jenerel Seketeri bilong Kaunsil, Reveren Leva Kila Pat i autim dispela tingting long wanem ol kain kain lotu wantaim narapela bilip i wok long bagarapim ol lain bilong Kristen bilip.

Tupela i tok planti Kristen nau i wok long pundaun long ol kain kain bilip nabaut. Long

wanem, i no gat gutpela skul bilong tok save long ol long trupela rot na pasin bilong Kristen bilip.

Olsem na ol i kirapim pinis wanpela komiti bilong lukluk long dispela hevi.

Komiti bai bung na wokim ripot bilong givim long Nesenel Palamen. Na ripot bai askim palamen long skelim gen mama lo bilong kantri long fridom na laik bilong man long bihainim wanem lotu em i laikim long en.

Bikos long nau yet, Kaunsil i tingting strong olsem lo i mas senis bilong suvim olgeta pipel long bihainim ol skul na bilip bilong ol

Kristen sios. Long wanem, PNGCC i tok, sapos mama lo bilong kantri i tok PNG em i wanpela Kristen kantri, orait kain bilip na pasin bilong ol pipel i mas sut bihainim ol skul bilong ol Kristen sios.

Sapos lo i larim ol kain kain lotu long kam insait na wok, dispela i soim ples klia olsem PNG i no moa wanpela Kristen kantri.

Misis Muingnepe na Reveren Kila Pat i askim tu ol sios lida wantaim ol arapela wokman na meri bilong ol Kristen sios long lukluk long dispela hevi na givim helpim oltaim. Long wanem, ol i tok planti pipel bilong God i wok long paul long ol

kain kain nupela lo na bilip em ol kain kain lotu i wok long bringim i kam insait long kantri.


Tupela i tok tu olsem planti nupela lotu i wok long yusim pasin bilong pretim ol man long bihainim ol. Bikos sapos nogat, ol inap painim bagarap o lus nating long graun.

Na tupela i tok dispela i no bihainim wanpela skul na pasin bilong ol lotu Kristen.

Olsem na tupela i askim olgeta pipel bilong Papua Niugini long holim strong kalsa na pasin bilong Papua Niugini. Bikos ol arapela kantri tu i gat bilong ol. Na ol bai traime grisim yumi long bihainim ol.

Misis Muingnepe i tok, "I tru olsem sampela pasin tumbuna i no gutpela tumas na yumi ken lusim. Tasol yumi mas holim ol arapela long wanem God i kamapim yumi wantaim pasin tumbuna wankain olsem ol narapela kantri. Na maski long ol kain kain lotu i kam paulim yumi nabaut."

Tupela i askim tu ol Kristen manmeri long holim strong ol olpela bilip bilong ol na pait long wanem tok na pasin i tru. Long wanem Holli Spirit bilong God bai stap sambai oltaim long helpim na strongim yumi wan wan long dispela taim bilong traime.



*Katolik karismetik bung...* Ol lain Katolik bilong Wewak asdalosis i bin holim wanpela karismetik bung long Tangugo long 1 Februari. Na 61 lida olgeta i kamap. Bihain ol i bung na kisim hap pepa bilong ol. Long antap, Bisop Raymond Kaliz i givim pepa long wanpela lida. Na long daunbilu em olgeta lida i bung long grup foto.

# PNGCC suvim tu het long ol toktok bilong bagarapim bus na graun na wara

PLANTI oganaisesen na ol grup nabaut i no save amamas long pasin ol kampani bilong painim wel, kopa, gol, ges na ol arapela samting bilong graun i save mekim long ol bus, graun na animel bilong yumi.

Ol marasin nogut bilong ol wok em ol dispela kampani i mekim i save bagarapim ol dispela samting.

Wanpela grup husat i opim maus tu long dispela wik em Papua Niugini Kaunsil bilong ol Sios (PNGCC). Na ol toktok bilong dispela stori i kamap long maus bilong Siameri bilong PNGCC na Seketeri Jenerel bilong em, Reveren Leva Kila Pat.

Taim yumi lukluk long ol kain hevi em ol pipia marasin bilong OK Tedi i kamapim long ol ples arere long Flai Riva, bai yumi painim olsem ol kain kampani bilong painim gol, kopa, wel, ges na ol arapela samting i rong. Na ol i mas karim hevi tu.

Planti kaikai long wara, ol diwai na planti moa samting i bagarapim taim ol kain wok olsem i kamap. Long Tunde, tupela ya i stori liklik long wanem samting PNGCC i ting ol kampani inap mekim tasol ol i no wokim.

Bikpela toktok bilong tupela long dispela taim i sut long ol skul. Ol i laik kampani i mas kamapim kain skul bilong tok save long ol komyuniti long wanem kain hevi ol pipel inap painim sapos ol kain wok olsem i kamap long ol hap bilong ol.

Long dispela rot, ol pipel inap save na skelim gut sapos dispela projek na wok developmen bai helpim sindaun bilong ol o nogat.

Tasol pasin nau ol kampani na gavman i mekim i wok long bringim moa hevi.

Olsem na PNGCC i tokaut pinis long tingting bilong kamapim wanpela komiti bilong wokbung wantaim gavman na lukluk long dispela hevi.

Kaunsil i tingting tu long holim wanpela bung bilong paitim toktok wantaim gavman long dispela samting. Na ol bai yusim wanem kain bekim ol i kisim long wokim wanpela bikpela banis bilong tromoi olgeta pipia na marasin nogut bilong ol kain projek olsem.

PNGCC i salim pinis wanpela pas i go long minista bilong wokruman na Konsevesen, Perry Zeipi long kamapim wanpela bung bilong painim ol rot long stretim dispela hevi.

Tasol ol i no kisim wanpela bekim bilong minista yet.

# PNG sot nau long ol haiskul tisa

## Ol mejistret bilong ples long Aitape protes long pe

STEFAN KADIKO i raitim

PLANTI haiskul insait long kantri bai sot tru long ol tisa long dispela yia i go.

Seketeri bilong Edukesen, Jerry Tetaga i bin tokaut long dispela taim em i bung wantaim ol tisa bilong Hoskins haiskul long las wik Fonde.

Mista Tetaga i bin go

lukluk raun long Wes Nu Briten bilong sekap long ol edukesen rifom progrem long hap na wankain tu long Madang.

Em i tok Papua Niugini bai sot yet long ol haiskul tisa. Long wanem i no gat planti lain i save greduet olsem ol haiskul tisa

long Goroka Tisa Koles (GTC).

Long olgeta yia, i save gat samting olsem 30 o 40 tisa tasol i lusim koles. Na dispela i no inap. Bikos namba bilong ol sumatin husat i lusim komyuniti skul na go long haiskul i wok long go antap yet.

Em i skruim tok olsem Papua Niugini i save painim hat long kisim ol tisa bilong ol kantri olsem Australia, Nu Silan na Yurop. Na long narapela sait, PNG tu i no gat inap skul bilong lainim ol studen long kamap ol haiskul tisa.

Ol haiskul tisa long Hoskins nau inap

skulim ol gret 11 na gret 12 studen long hap. Tasol ol i mas wok hat moa bikos planti bilong ol i no bin lainim long skulim ol gret 11 na gret 12 studen.

Mista Tetaga i tok long dispela nupela rot, ol tisa i mas wok hat moa long skulim gut ol pikinini.

## Sinia dokta laikim Hagen kamap olsem bes haus sik

SIMON KUK i raitim

WANPELA sinia dokta bilong Hagen i askim nesenel gavman long stretim na mekim Hagen haus sik i kamap olsem wanpela bes haus sik.

Medikal Suprintenden bilong Hagen haus sik, Dokta Wesin Seta i bin mekim dispela toktok taim em i opim narapela hap bilong haus sik long 12 Febrieri, 1993.

Dokta Seta i tok Hagen em i namba tri senta long kantri wantaim planti sik manmeri. Olsem na gavman i mas stretim ol samting na mekim Hagen i kamap olsem wanpela bes haus sik.

Em i tok, "Hagen i mas kamap bes haus sik bikos em i stap namel long ol arapela Hailans provins. Planti taim ol lain long Simbu, Enga na Sauten Hailans i save salim ol sikman na meri bilong ol i kam long Hagen haus sik long kisim marasin."

Nupela haus slip bilong ol sikman bai gat 150 bet. Na dispela i bringim namba bilong ol bet i go antap long 400.

"Olsem na Hagen i mas kamap wanpela bes haus sik. Gavman i mas stretim ol samting bilong wok na kisim planti wokman. Na givim tu moa mani bilong mipela long yusim long ol narapela samting taim namba bilong ol sikman i slip long haus sik i go antap," Dokta Seta i tok.

Em i tok em bai kostim ol K12 milien sapos ol i tingting long wokim nupela haus sik. Dispela i bihainim ripot bilong ol wok painimaut long 1991.

Gavman bilong Japan i bin givim K1 milien em ol i yusim long srukim haus sik i go bikpela. Ol wok i bin stat long 1991 na pinis long las yia.

Dokta Seta i tok nau ol i laikim moa wokman bilong ol kain wok olsem ol medikel opisa, teknikel opisa, ol nes na ol komyuniti helt woka. Na long mekim olgeta wok i ran gut, Hagen haus sik bai laikim K5 milien long olgeta yia.

## Memba laikim tok klia long Hides ges

NESENEL MEMBA bilong Koroba/Lek, Herowa Agiwa i laik save long wanem rot nau em B.P Hides ges projek long Nokoli insait long Sauten Hailens i wok.

Em i mekim dispela singaut bikos memba i laik save tu long ol liklik wok bisnis em inap kamap bihainim dispela projek, ol komyuniti projek na ol narapela sevis em kampani bai givim aninit long dispela Takis Dinou Skim (Tax Credit Scheme) em gavman i kamapim.

Long dispela as, Mista Agiwa i laikim minista bilong Maining na Petroleum, Masket langalio long kamapim wanpela bung bilong tok-tok long wok bilong B.P Hides ges projek. Bikos planti lida na ol pipel i no klia long wok bilong B.P Hides projek.

Em i tok dispela projek i kirapim pinis ol wok bilong en long givim pawa long Pogera gol main. Tasol ol papa graun i no kisim wanpela helpim yet.



□ Tupela liklik mankl ya i wok long lukluk long dispela masin bilong tanim simen long Porgera.

## Madang skul long Viles Sevis

BEN TAUMAI i raitim

WANPELA woksop bilong nupela Viles Sevis Skim i bin stat long Tunde, 23 Febrieri long Mandé.

Dipatmen bilong Provinsal Afeas long Madang i ranim dispela woksop. Na em bai pinis long Fonde, 25 Febrieri.

Dispela woksop i bilong skulim ol pipel long wanem samting em i Viles Sevis Skim. Na tu bilong kliaim wok bilong ol viles lida olsem bai ol inap helpim manmeri bilong ples long stretpela rot bilong kisim helpim.

Samting olsem 50 manmeri bilong 6-pela distrik long Madang i i go moa long pes 12



# Yu redi long Traipela Moni?



*Kalabusim raskol...* Wampela soldia bilong Amerika i kalabusim wampela yang-pela man bilong Somalia husat i bin haitim dispela gan soldia i holim. Bikos em i laik traim long kamapim moa trabel wantaim dispela gan. Bikpela trabel i wok long kamap nau long hap.



*Ranawe lusim ples...* Oi pipel bilong ples Vukovar long Yugoslavia i ranawe lus ples bilong oi. Oi i mekim olsem bihain long bikpela birua, trabel na hevi i bin kamap long ples bilong oi stat long mun Novemba long 1991. Dispela hevi bin stap longpela taim liklik.



*Luksave long wol AIDS...* Bikpela lain manmeri bilong Filipin Allan i bin kamap bung long taim bilong tingim na wok long Wol AIDS De. Bikpela kempen i bin kamap long dispela sik nogut nau i kamap bikpela long wol.



*Gutpela ples long we...* Dispela oi lain pipel i lusim haus bilong oi na i laik go painim narapela gutpela hap bilong stap. Bikos i bin gat pait namel long tupela grup. Dispela samting i bin kamap long taun bilong Tusla long Bosnia.

# KOOL

GOVERNMENT WARNING SMOKING IS DANGEROUS TO HEALTH



## Stori bilong bipo stap long kapa plet

□ **LONDON:** Ol i painim pinis wanpela hap kapa bilong i gat mep bilong Not Amerika long en. Ol i painim dispela kapa plet aninit long Nebraska misum. Ol saveman bilong painim ol samting bilong bipo i amamas tru bikos dispela i pinisim nau olgeta 81 plet olsem em i soim olgeta stori bilong pasin tumbuna bilong ol India long Amerika. Dispela plet i soim rot em wanpela saveman bilong wok wantaim ol diwai samting na enimel bilong bipo bilong kantri Jemani, Prins Maximilian i bihainim 150 yia i go pinis i go long Wes Amerika namel long ol yia 1832 na 1834.

## Bisnis hevi long Saina

□ **WASINGTON:** Ol wok bisnis namel long Amerika na Saina i go daun long samting olsem K6.2 bilien long las 4-pela mun bilong yia 1992. Na dispela mak i winim tru hap mak bilong las yia. Dispela i kamap bihainim wanpela ripot bilong ol saveman bilong wok bisnis long Wasington.

## Kondom i redi

□ **JERUSALEM:** Ol soldia bilong Isrel Difens Fos bai wokim na putim 300 masin bilong kisim kondom. Ol bai putim ol dispela masin long ol ami bes long kantri. Isrel i mekim dispela long stapim sik AIDS long bruk na go kamap bikpela olgeta. Wanpela mausman bilong ami i bin tokaut long dispela tingting bilong ol long abrusim na daunim sik AIDS.

## Olpela ami jenerel kalabus

□ **LIMA:** Olpela ami jenerel bilong Peruvia, Jaime Salinas Sedo i kalabus pinis. Sedo i bin traim long yusim ami long rausim gavman bilong Presiden Fejimori long mun Novemba las yia. Tasol dispela plen bilong em i no wok na ol plis i holim em. Kot i painim olsem Sedo i bin rong na salim em i go long kalabus inap long 8-pela yia.

## Saina strong long kisim Hong Kong

□ **HONG KONG:** Foren minista bilong Saina, Qian Qichen i no wanbel long tingting bilong Gavena bilong Hong Kong, Chris Patten long kamapim ol demokretik senis long Hong Kong. Olsem na em bai go na toktok wantaim gavman bilong Briten long wanem samting bai kamap long Hong Kong. Bikos Saina tu i laikim Hong Kong i stap wankain olsem ol.

## Kot orait long kilim tupela man

□ **BENGKOK:** Kot long Tailen i tok orait pinis long kilim wanpela papa na pikinini bilong em bilong Keneda. Kot i odaim plis pinis long kilim Ralph Wilson husat i gat 41 krismas na pikinini bilong em Michael, 24 krismas. Plis long hap i bin holim tupela long sas bilong traim kisim 3.7 kilogram spakbrus na marasin nogut i go insait long Tailan. Na kot i bin salim tu Malyn Wallace husat i gat 37 krismas bilong Ingran long go stap kalabus inap em i dai. Plis i bi holim na sasim ol long mun Epril, 1991.

## Man protes na kalabus

□ **LAS VEGAS:** Kot long Las Vegas i bin kalabusim Rick Paul Springer, 41 krismas long 4-pela mun. Rick em wanpela man husat i no save laikim ol samting bilong pait. Em i bin go antap long ples ol i laik givim wanpela ston piksa long olpela presiden bilong Amerika, Ronald Reagan na traim long brukim dispela samting. Dispela i bin kamap long wanpela bung bilong toktok long redio na televisen long Las Vegas.

## ANC laikim bikpela senis long Saut Afrika gavman

AFRIKA Nesenel Kongres (ANC) i tokaut pinis olsem ol i laikim bikpela senis i kamap

long gavman bilong Saut Afrika. Aninit long dispela senis, ol i laikim olsem

ol blakman na waitman i mas wok wantaim long ranim gavman long Saut Afrika.

Tasol ANC i tok dispela i no min olsem wanpela liklik lain o grup tasol bai bosim narapela o ranim wok bilong gavman.

sans tu long toktok.

Dispela i no save kamap bipo o long planti krismas i go pinis.

Tasol Mista Ramaphosa i tok dispela i no inap stretim wari bilong ol blakman long Saut Afrika. Long wanem planti waitman i memba yet long palamen.

Long makim maus bilong ANC, em i laikim olgeta pati long Saut Afrika i mas gat wankain namba bilong ol blakman na waitman wantaim.

Lukluk i go bek long ol narapela pati, planti bilong ol i tok ol i no klia tumas long tingting bilong ANC na ol i laikim ANC long tok klia long tingting bilong ol.

Sampela sapota bilong ANC tu i paul long dispela tingting bilong ANC na i luk olsem bai i gat kros namel long ol yet.

Wanpelas lidaman bilong Natal Midlan, Henri Gwala i tok em i no laikim dispela tingting bilong ANC.

Long wanpela miting ol komiti bilong ANC i holim, ol i kros long plis long wanem ol i rausim pinis faifpela man husat i bin kilim indai 28 blakman long 1991.

Dispela birua i kamap long wanpela skuata kem long wes Johannesbeg.

Ol i tok plis i kamapim sampela paul pasin long dispela kot na rausim ol man nating.



*Switkai bret...* Wanpela liklik bol i no isi long dispela hap bret i stap insait long wanpela refuji kem klostu long Zagreb. Kalkai tu long dispela hap i sot na planti taim ol pipel i save hangre nabaut.



*Traim nupela gan...* Ol soldia bilong Amerika i wok long tren long sut long gan. Dispela em wanpela spesel fos bilong Amerika ami husat i save go long ol bikpela wok. Samting olsem 70 meri i bin joinim dispela grup long las yia na i wok long tren yet.



*Wetim kaikai yet...* Ol pipel bilong Somalla i sanap long lain na wetim kalkal i stap. Bikpela pait i bruk yet long dispela hap bilong wol na ol kalkal samting i sot nabaut. Olsem na pasin bilong stillim ol kaikai samting tu i bikpela. Sampela wok painimaut i soim olsem ol bikman bilong ples i wok long stillim kalkal long ol pipel.



*Hait long katres...* Dispela ol lain pipel i pret na halt long baret i stap taim ol soldia i was long wanpela pait namel long ol ami na ol birua paltman nabaut. Birua i kamap klostu long Osijek long Kroasia.



*Boda patrol esasais...* (Antap) Ol ami na plis bilong kantri Swiden i save tren olgeta taim long pait na wanem samting bilong mekim long taim bilong birua. Na nau em i taim bilong ol long wokim ol boda patrol esasais.



*Klia long King Kong...* Bikpela festivel bilong wokim ol muvi i kamap long Amerika. Na namel long ol kain kain samting em ol manmeri i soim, sampela lain i bringim tu dispela ston piksa bilong King Kong, wanpela olupela muvi sta. Na hia, wanpela nius ripota bilong Jemani i suvim maikropon i go antap long maus bilong King Kong, nogut em i lalk singaut na tok halo long ol manmeri husat i lukluk i stap.



*Painim wara...* Dispela meri i lalk go painim wara bilong kukim kalkal, waswas na dring. Em i wanpela bilong ol lain pipel bilong Kedistan husat i ranawe long ples bilong ol long painim gutpela sindaun long nara-pela hap. Ol i wokim kem bilong ol long Isikveren.

# **POWER**

## ***to the people!***

***IT'S THE GREAT RICE REVOLUTION  
IN YOUR STORE NOW!***



# NOKEN BAIM MOA LONG OL STOA!



10t  
**TASOL**



10t  
**TASOL**



10t  
**TASOL**



10t  
**TASOL**



5t  
**TASOL**

Sapos ol askim moa...go long narapela stoa!

## Wok sekap long ol Is Sepik politisen go het yet

GODFRIED NIAKA I raltim

BIHAIN tasol long Nesenel Eksekutiv Kaunsil i saspenim Is Sepik provinsal gavman na BMS opis i paia, ol plisman long Wewak i bin stat sekap long ol provinsal politisen husat i paulim pablik mani.

I kam inap nau, ol plisman i sasim pinis 11-pela politisen na wanpela loya.

Is Sepik Provinsal Plis Komanda (PPC), Sief Inspekta John Wakon i tok ol 11-pela provinsal politisen em plis i sasim pinis em Bruce Samban (olpela primia), Joe Yanz, Robert Ninigim, Wilson Tamba, Mathew Maina, Petrus Wafi, Richard Kabari, Teddy Sani, Tony Paliak, Cletus Pini na Leo Unumba. Na loya em Alois Jerewai.

Sief Inspekta Wakon i tok tripela bilong ol, Samban, Yanz na Ninigim i kamap pinis long kot.

Mista Samban i kalabus long 5-pela yia long sas bilong kukim BMS opis na paulim K6000 bilong Is Sepik Developmen Kopresen (ESDECO) taim em i wok olsem primia.

ESDECO em bisnis han bilong Is Sepik provinsal gavman.

Mista Yanz bai kalabus long tripela bikos em i

wokbung wantaim Samban na kukim BMS opis bilong BMS. Na kot i bin salim Mista Ninigim long go kalabus inap long tupela yia long sas bilong paulim K4000 bilong Provinsal Developmen Fan (PDF). Tasol kot i rausim kalabus na odaim em long stap isi na aninit long olgeta lo bilong kantri inap long tupela yia.

Sief Inspekta Wakon i tok ol narapela 8-pela husat bai kamap tu long kot em Mista Tamba (long paulim K6,428.58 taim em i wok olsem minista bilong Komes), Mista Maina (long paulim K3,200), Petrus Wafi (long paulim K3,800), Mista Sani (long paulim K4,700), Mista Kabari (long paulim K1000), Mista Paliak (long paulim K4,358), Mista Pini (long paulim K5,790) na Mista Unumba long sas bilong paulim K3,950 taim em i wok olsem Fainens minista.

Na Mista Jerewai bai kot long sas bilong paulim K9,000.

PPC Wakon i tok olgeta samting nau i stap long han bilong stet prosekyuta long makim taim bilong ol dispela lain man long kot.

Em i tok tu olsem i gat planti arapela provinsal politisen tu i stap yet. Ol plisman i wok long sekap long ol. Na taim ol i kisim inap ripot na toktok, ol bai sasim ol dispela lain tu.



• Seketeri bilong Malaka (Malaysia) Haji Ahmad bin Ithin (alglas) wantaim tupela deleget bilong Malaka taim ol i go bungim Minista bilong Tret na Industri, David Mal long opis bilong em long las wik Fonde. Foto Elliot Raphael

## Nupela man kamap pablik solisita

ELLIOT RAPHAEL I raltim

PAPUA Niugini nau i gat nupela pablik solisita.

Dispela man em Ellenas Batari. Em i kisim ples bilong Ere Kariko husat i risain long las wik.

Atoni Jenerel na minista bilong Jastis, Philemon Embel i bin tokaut long dispela senis long Mande, 22 Februari.

Pastaim long em i kamap pablik solisita, Mista Batari i bin wok olsem eking deputi pablik solisita na bihain olsem deputi seketri long Dipatmen bilong Atoni Jenerel.

Mista Embel i tok komiti bilong makim ol man long dispela wok, Judisel na Ligel Sevis

Komisen i luksave long gutpela wok na bikpela

## Madang skul long Viles Sevis

i kam long pes 7 bin kamap long dispela woksop. Sampela em ol asisten seketeri bilong wan wan provinsal dipatmen long Madang, ol wokman bilong lokol gavman, ol sios woka, yut, ol lain i makim ol wimens grup, bisnis na tu ol narapela oganaisesen na grup.

Asisten Seketeri bilong Provinsal Afeas, Nick Genia i bin ranim dispela woksop.

Long taim em i opim dispela woksop, eking primia bilong Madang, Markus Kawo i tok em i bikpela samting long

save bilong Mista Batari na makim em long dispela wok.

Long dispela taim, minista i bin givim bikpela tok amamas tu long ol gutpela wok em

skulim ol manmeri long wanem samting em i Viles Sevis Skim na wanem samting em inap kamapim. Long wanem kain kain nupela senis bai kamap sapos dispela tingting bilong gavman i wok insait long ol komyuniti bilong yumi.

Mista Genia i tok, "Nesenel gavman i kamapim pinis wanpela gutpela tingting bilong helpim na stretim sindaun bilong ol pipel long ples. Bikos bikpela lain pipel bilong PNG i save stap

olpela pablik solisita i mekim.

Em i tok Mista Kariko i bin holim gut wok long opis bilong pablik solisita i go inap long taim em i risain las wik.

long ples. Olsem na yupela ol dispela lain nau i save long hevi bilong ol wan wan ples em yupela i kam long en," Genia i tok.

Em i tokim ol olsem wok bilong kamapim Viles Sevis Skim i no isi.

Provinsal minista bilong Distrik Sevises, Nambara Gau i tokim dispela bung tu olsem Viles Sevis Skim em i polisi bilong gavman. Olsem na olgeta manmeri i mas bung wantaim long givim gutpela sevis i go long ol pipel.

**PLIS  
RIPOT**



**MOSBI:** Sampela raskol i bin go long Kaugere komyuniti skul na brukim opis bilong het masta na 6-pela klasrum. Na stilim ol samting bilong skul. Dispela ol samting i kos moa long K2,000.

Het masta bilong skul, Pius Torea i tok ol raskol i bin bagarapim ol desk, tebol, buk na arapela ol samting.

Plis i bin sekim ol dispela samting long Mande moning. Ol dispela raskol tu i bin raitim ol kain kain toktok long blekbot.

Torea i sutim tok i go long ol yangpela mangi husat i stap long Kaugere setelmen.

**GOROKA:** Goroka plis i bilip olsem wanpela trabel bai kamap namel long ol pipel bilong Kompri insait long Goroka na Simbu.

Dispela i bihainim tasol wanpela trabel i bin kamap long las wik Mande. Long las wik Mande sampela raskol i bin sutim tupela man Simbu long Kompri.

Plis ripot i soim olsem ol raskol i bin traim long stapim ka bilong Kerowagi hai skul. Tasol draiva i no stap na ol i stat sut long gan. Dispela tupela man i bin sindaun beksait long ka na katres i kisim tupela.

Ol i bin kisim ol i go long Goroka haus sik na wanpela bilong ol i dai long las wik Tunde. Bodi bilong em nau i stap long Goroka haus sik. Plis i salim toksave pinis long ol lain bilong dispela man long go kisim bodi.

Nau yet plis i was tasol long stapim trabel. Bikos nogut ol lain bilong Simbu laik bekim dispela dinau. Plis i wetim ol long go long Kompri na ol bai stretim kompesen bilong dispela dai man.

**Las gutbai bilong Madang long Moeder**

**GODRIED NIAKA i raitim:**

LAS wik Trinde i bin namba 17 de bilong mun Februari long dispela yia.

Na long dispela de, kain kain samting i bin kamap long wan wan eria o ples insait long kantri bilong yumi, Papua Niugini.

Long sampela hap wanpela man, meri o pikinini i bin dai. Tupela ka i bam o wanpela ka i kapsait. Ol manmeri long taun na

ples i go i kam long wok bilong ol. Ol skul pikinini i go long skul. Mi tok pinis ya. Kain kain samting: gutpela na nogut tu wantaim i bin kamap long dispela de.


Insait long Madang taun long dispela Trinde, san i bin kamap gut tru long moning taim. Na taim i laik i go antap long samting olsem 11 klok, san i bin lait narakain stret. Na

sapos yu sanap long samting olsem 4 minit long san, bai yu pilim olsem paia i kukim skin bilong yu.

Dispela de i bin wanpela bikpela de tru long ol manmeri husat i stap insait long Madang taun. Em i bin wanpela de we i no bin wankain olsem ol narapela de. Dispela Trinde i bin wanpela de bilong sore na wari. Long wanem long samting olsem 3 klok long apinun, bodi bilong Max Moeder bai go daun long matmat na ol i no inap moa



• Mista Moeder... i bin wanpela man bilong wok hat taim em i stap yangpela yet.



• Dispela foto i soim Mista Moeder taim em i yangpela man na i bungim ol kain kain man bilong traim bringim developmen long hap bilong em.

long lukim pes bilong em.

Mista Moeder i olpela primia bilong Madang. Na pastaim long em i bin dai long Sande, 14 Februari, long moning-taim, em i bin stap olsem oposisen lida na memba bilong Madang taun konstituensi insait long Madang provinsal asembli.

Stat long 8 klok long moning taim, ol sumatin na tisa bilong ol skul insait long Madang taun i sanap

long rot. Ol i stat sanap long provinsal asembli opis i go inap long haus lotu bilong Katolik Sios long Holi Spirit. Ol i bung long soim rispek na tu long tromoi plawa long bodi bilong Mista Moeder.

Long samting olsem 11 klok, ol i rausim bodi bilong Mista Moeder long kolrum bilong Madang haus sik na karim i go antap long provinsal asembli bilong ol manmeri long 10a long pes 20

Long wasim klos long kol wara...

**NOGAT SAMTING I  
SAVE WINIM**

**Cold  
Power**

Klinim, sainim klos na smel gut tru!





# OL PAS SPESEL



## Maski long daunim ol meri Mendi

**Dia Edita,**  
Mi wanpela meri Mendi nau mi stap long Kimbe. Mi laik bekim pas bilong Peter Wap Piricl. Pas bilong em i bin kamap long *Wantok Niuspepa* long 12 Novemba, 1992.

Peter i komplem long ol meri Mendi husat i stap long Kimbe. Em i tok ol i save raun tumas wantaim planti man.

Brata, mi laik tokim yu olsem yu wokim draipela rong tru long sutim tok nating long ol meri Mendi. Ating yu bin traime lak long ol na ol i tok nogat long yu. Olsem na yu wokim ol dispela toktok.

Mi askim yu long stapim dispela kain pasin long bagarapim nating nem bilong ol man. Dispela pas bilong yu i no gat as na nekst taim yu no ken raitim ol kain pas olsem.

**Jenny Oneye, KIMBE.**

## Wingti mas tok klia long fri edukesen

**Dia Edita,**  
Mi gat bikpela bel hevi long gavman bilong Paies Wingti. Mr Wingti i bin wokim draipela giaman tru olsem taim em i winim ileksen em bai givim fri edukesen.

Tasol dispela toktok bilong em i no karim kaikai. Taim 1993 skul yia i stat long las mun, planti papamama i bin komplem nogut tru. Taim ol i kisim ol pikinini i go long skul, ol tisa i sasim ol long baim sampela skul fi.

Inap Mista Wingti i tok klia long mining bilong fri edukesen? Mi ting olsem em yet i no save long

## Stretim hariap rot long Gumine

**Dia Edita,**  
Mi laik autim wari bilong mi i go long ol

## Tenkyu long daunim mipela ol Luteran

**Dia Edita,**  
Mi wanpela memba bilong Lae Luteran Yut insait long Morobe provins.

Mi laik salim dispela tok lukaut i go long ol memba bilong ol sampela sios long hia na ol arapela provins tu. Dispela tok lukaut i biahainim sampela tok ol dispela lotu i mekim. Ol i tok Luteran Sios i wanpela dai lotu, ol man i kaikai planti buai tumas, dring bia na i no inap winim sol bilong ol man.

Mipela ol yut bilong Luteran Sios i laik tok tenkyu long Papa God long dispela kain tok yupela i mekim. Luteran em i nem bilong sios. Tasol taim yupela tok sios, yupela i tok long mipela.

Gutpela long yupela tok olsem. Tasol mi laik askim yupela long rispektim mipela tu.

**Teta Yakamtung, MOSBI.**

## Maus Morobe laik kamapim gutpela sindaun

**Dia Edita,**  
Inap yupela givim mi liklik spes long tok klia long ol dispela lain husat i stap nau long Lae siti.

Mi laik toktok long olgeta pipel na kisim tingting bilong ol long dispela nupela sekyuriti sevis em mipela kolim olsem Maus Morobe Community Security Services long Lae siti.

Maus Morobe sekyuriti sevis i bin kamap long 1990 taim bikpela trabel i kamap long Lae siti namel long ol Morobe pipel na ol hailans. Na biahain i bin gat moa trabel i kamap namel long ol Morobe na ol lain bilong ol arapela provins.

Mipela ol sampela lain bilong Morobe i lukim olsem na kamapim dispela Maus Morobe Asosiesen. Na aninit long asosiesen, mipela kamapim dispela Maus

Morobe Community Security Service.

Mipela i kamapim sekyuriti sevis biahainim dispela lo:

- kirapim na strongim gutpela sindaun namel long ol pipel bilong Morobe provins. Na i karamapim ol lain insait long setelmen na ol lain husat i kam na lusim gen siti;
- long helpim na sapotim ol pipel bilong Morobe long wanem kain rot mipela inap mekim;
- long wokbung wantaim na helpim provinsal gavman wantaim plis fos na ol arapela grup long bringim gutpela sindaun insait long ol komyuniti;
- painim mani bilong kirapim ol wok i go strong namel long ol memba; na
- kirapim gutpela pasin bilong wok wantaim long daunim ol hevi namel long ol pipel bilong Morobe na ol arapela

provins.

Dispela em sampela bilong ol bikpela as na Maus Morobe sekyuriti sevis i kamap. Na long planti setelmen insait long siti, ol lain bilong Maus Morobe sekyuriti i save stap. Ol i wok insait long ol setelmen na long siti tu.

Ol dispela lain sekyuriti i no save wok long mani. Nogat. Ol i wok long givim helpim tasol. Ol yet i baim dispela ol yunifom ol i putim na wok long en.

Maus Morobe sekyuriti i gat

moa long 3,000 memba na i stap long olgeta kona bilong Lae siti.

Dispela grup i rejista pinis na gavman i luksave long en.

Dispela sekyuriti sevis i no wok bilong kisim pe. Nogat. Em i wok bilong lukautim ol sittsen na pipel bilong Papua Niugini wantaim ol papa graun husat i stap long Lae.

Em tasol na yu husat i gat bel hevi o i laik komplem i ken salim pas long niuspepa.

**Robert N. Ayang, Maus Morobe Asosiesen, Lae, M.P.**

## Tingim tu ol yangpela kantri pilaia

**Dia Edita,**  
Mi bilong Western Hailans insait long Anglimp, Saut Waghi.

Mi laik komplem long ol pilai bilong Wagi Lig i save kamap long Banz. Mi ting olsem ol opisal i save mekim pasin bilong wantok sistem tumas.

Na makim ol olupela pilaia bilong ol klap tasol long ol skwat sait.

Mipela sampela yangpela pilaia bilong dispela lig i save bel hevi long dispela pasin ol i mekim. Ol i mas traime na givim sans na makim mipela tu.

Dispela bai apim nem bilong ragbi lig gem bilong yumi ol kantri sait.

**Rack Pana, SAUT WAGHI.**

## Ful sapot long rausim ol provinsal gavman

**Dia Edita,**

Mi sapotim Praim Minista Paies Wingti wantaim kabinet bilong em long rausim ol provinsal gavman.

Bikos long olgeta yia, nesanel gavman i

brukim bikpela baset na givim long wan wan provins long mekim wok na bringim ol sevis i go long ol trangu manmeri long ples. Tasol ol provinsal memba i save paulim mani na wokim bisnis bilong ol yet.

Na ol i no save tingim ol manmeri long ples. Olsem na mi sapotim Wingti gavman long rausim ol provinsal gavman long kantri. Mi amamas long lukim nupela plen bilong Provinsal Afeas na Viles Sevises minista long bringim sevis i go long ol trangu pipel long asples stret. **Clement Bal, KUNDIAWA.**

## Hevi em bilong gavman

**Dia Edita,**

Mi laik komplem long gavman bilong yumi long dispela kantri.

Planti taim yumi save harim long redio na ritim long niuspepa olsem raskol pasin long kantri i wok long kamap bikpela tru.

Mi laik save long asua bilong husat tru na pasin raskol i wok long kamap bikpela? Ating nesanel gavman i asua olsem na pasin raskol i kamap bikpela long kantri.

Taim ol man i go askim long wok, ol kampani na gavman dipatmen i save tok, "Nogat wok". Dispela i

save wokim planti lain i bel hat bikos ol i no painim wok long lukautim famili o baim kaikai na samting bilong ol.

Gavman i save giamanim mipela na tok, go bek long ples na mekim wok. Tasol sampela ples insait long kantri i no gat gutpela graun bilong wokim gaden na painim kaikai.

Ol yangpela pipel long ples i laik wokim ol liklik bisnis. Tasol gavman i no save tingim long helpim ol.

**Jimmy Taylor Koll, MOSBI.**

## Les long ol Tolai tok ples tumas

**Dia Edita,**  
Mi laik sapotim pas bilong brata Mathew Komex. Pas bilong em i bin kamap long *Wantok Niuspepa*.

Mathew i bin komplem long ol Tolai na tok ol i save tok ples tumas. Dispela toktok bilong Mathew i tru. Sapos yu bilong narapela provins, bai yu painim hat tru long toktok wantaim ol Tolai.

Sapos yu biahainim ol boi Tolai, ol i no inap givim sans long yu. Ol i no inap *Tok Pisin*. Olgeta stori bilong ol bai stap long tok ples tasol. Na dispela i ken wokim yu sem na les long raun wantaim ol.

Ol sampela ples i orait liklik. Taim ol i raun wantaim sampela man bilong ol arapela

ples, ol bai toktok long *Tok Pisin*.

Olsem mipela ol Sepik, mipela i no save tok ples tumas. Taim mipela i raun wantaim ol lain bilong ol arapela ples, mipela save stori

long *Tok Pisin*.

Sapos yu raun wantaim ol pipel bilong arapela hap, yu mas traime na stori wantaim ol long *Tok Pisin*. No ken larim yu wantaim ol wantok bilong yu i stori

long tok ples. Nogut yupela wokim pren bilong yupela i sem na em bai les long lukim yupela gen.

**Bob E. Laskoll, HOSKINS.**

## Painim Akila Yuninigo bilong Kainantu

**Dia Edita,**

Taim mi bin liklik boi yet, susa bilong mi Ruth i marit long wanpela man Kainantu long Isten Hailans provins.

Nem bilong em Akila Yuninigo. Na em i bin wok olsem wanpela mains opisa long Maprik long 1966 i go inap long 1969. Tupela i bin gat wanpela pikinini meri na ol i kolim em Lines Akila. Biahain ol i go long ples bilong man

ya. Ol i stap i go na susa bilong mi dai. Olsem na tambu man na pikinini i lus tingting long rait i kam long mipela long Sepik.

Olsem na sapos tambu ya na pikinini Lines i lukim dispela pas, plis rait i kam long mipela long dispela adres:

**Andrew Kanavia, Portion No 1188, Section 12, Willele, Blialla, WNPB.**

# Ol Enga mas stap isi liklik Ful sapot long rausim provinsal gavman

**Dia Edita,**  
Mi bilong Enga na nau mi stap long Kimbe insait long Wes Nu Briten provins.

Mi save ritim long niuspela na harim long redio olsem ol Enga save pait oltaim. Dispela pasin i no gutpela na mi laik autim liklik tingting bilong mi.

Mi laik askim dispela tupela grup bilong ol lain long Saragem na Isapo. Yupela mas traim isi liklik na tingting long ol gutpela wok bisnis em yupela inap kamapim. Na maski long tingting tumas long pait long kompensesen na ol kain samting olsem.

Ol kain kain nesanel projek olsem gol na kopa main i kamap long Enga. Tingim dispela na stap isi. Na larim ol wok projek ya long go het na helpim ol pipel. Nogut yupela go het long pait olsem na ol waitman wantaim ol ovasis kampani bilong ol bai ranawe lusim Enga. Na yumi bai mekim wanem, sutim graun na sindaun longlong i stap.

Mipela ol Enga i stap long nambis i harim dispela kain stori na nius na mipela sem.

**James Karapus Wai,**  
**Kimbe, W.N.B.P.**

**Dia Edita,**  
Mi amamas long tingting bilong Wingti gavman long rausim ol provinsal gavman long kantri na putim ol viles atoriti.

Dispela tingting i gutpela tru na mi ful sapot olgeta.

Bihainim ol dispela toktok, ol primia wantaim ol provinsal memba na ol arapela lain i wok long wari i stap.

Em i gutpela gavman i laik mekim olsem. Bikos dispela ol provinsal gavman i save kaikai mani tumas na i no tingting long bringim ol sevis i go long ol pipel.

Long bipo long taim bilong ol ADC na kiap, mipela save lukim ol wok kamap na ol senis insait long ol ples. Na long taim bilong ol kaunsol tu i wankain.

Tasol long taim Papua Niugini i senis na kisim provinsal



gavman, ol plesi bagarap olgeta. Dispela i bin stat long 1975 taim kantri i kisim independens long Australia. Nogat wok i bin kamap long ol ples.

Yupela ol primia na ol memba i givim baksait tru long ol pipel bilong yupela

long ples. Yupela save lukluk na stretim tasol ol siti na taun, bikos dispela em ol ples yupela laik sindaun, kaikai mit bilong kakaruk na amamas wantaim ol famili.

Tasol long hap, yupela lus tingting olgeta long mipela pipel husat i givim namba,

pawa na biknem long yupela. Yupela i no tingim mipela. Yupela i tingim yupela yet.

Olsem na mi givim ful sapot long Prais Minista Prais Wingti na gavman bilong em long rausim olgeta provinsal gavman long kantri.

**Marko Lupi,**  
**Hagen, W.H.P.**

## Ol pes meri singsing tumas long ol meri Olgeta kain sais bagarapim tru Tiauru welpam long pasin pamuk

**Dia Edita,**  
Mi laik sapotim pas bilong Nick Warimu husat i toktok long ol man i save singsing long ol meri.

Dispela toktok em i tru. Bikos long olgeta singsing mi harim, ol man i save singsing long ol meri tasol. Ating wan wan musikman na meri i save singsing long wanem samting i kamap long kantri na ol kain senis yumi lukim.

Olgeta arapela nogat. Oltaim em bilong meri meri tasol.

Ol meri i no narakain long man. God i wokim yumi olgeta wankain na em i no gutpela pasin long singsing nabaut long ol. Sapos yu wanpela i laik

wokim singsing, i mobeta yu wokim long stretpela pasin.

Mi sapot tu olsem dispela kain pasin i bikpela tru namel long ol musik ben bilong Tolai, Sepik na Popondetta.

Dispela kain ol man husat save singsing oltaim long ol meri em ol meri pes tasol.

Dispela kain pasin bilong go askim laik na meri i les na bihain yu go wokim singsing, man em wanem nau ya. Yu ating wanpela lusman na dok stret ya. Traim na stapim dispela pasin.

**Jane Aura,**  
**Popondetta, O.P.**

**Dia Edita,**  
Pasin pamuk i kamap bikpela tru long Tiauru welpam sab divisen long Bialla insait long Wes Nu Briten provins. Mi wanpela man husat i go autim Tok bilong God long dispela hap na lukim kain pasin olsem i bikpela tru.

Mi lukim dispela pasin i kamap namel long ol lapun papa na mama, ol yangpela man na meri na ol lain husat em krismas bilong ol i stat long 13 na 14 yia na i go antap.

Planti papamama i save pulim pikinini meri long ol man bilong ol

na wokim bisnis long pasin pamuk. Dispela i no gutpela. Pasin pamuk nau i kamap olsem wanpela switpela kaikai bilong ol.

Ol hap bilong Holi Buk i tokim yumi olsem: Bodi bilong yumi em haus holi bilong God. Na yumi no ken yusim dispela haus holi bilong em long daun pasin na sin pasin. Bikos dispela bai brukim yumi stap longwe tru long God.

Olsem na mi laik askim ol lain bilong dispela hap long lusim dispela sin pasin bilong graun na bihainim gutpela skul bilong Baibel. Tingim dispela bikpela pen Jisas i karim taim em i dai long diwai kruse bilong rausim ol sin bilong yumi.

**John Kawei,**  
**Kimbe, W.N.B.P.**

## Wanem bikpela wok tru provinsal gavman mekim

**Dia Edita,**  
Mi laik bekim pas bilong Johnny Jim em i bin kamap long niuspela.

Brata ya i tok olsem ol provinsal gavman i bin mekim bikpela wok tru long kantri stat long taim bilong independens i kam inap nau.

Mai pren, ating yu mas slip yet ya. Yu traim na lukluk gut pastaim long wanem ol samting i bin kamap long dispela taim i kam inap.

Yu ken lukim ples klia tru ol lain bilong provinsal gavman i ron long ol nupela ka i go i kam, dring na

paulim ol meri nabaut, go raun longol arapela provins na ovasis long laik bilong ol.

Tasol sapos yu go askim ol long helpim yu long wokim bris, haus, skul, haus sik, edpos, wara pam na ol kain sevis olsem, sori, yu bai sanap i go tuhat i kapsait na aiwara i pundaun nating. Bikos ol bai bekslait long yu na go pinis.

Bekim bilong ol long dispela kain askim oltaim em nogat mani...nogat mani.

Tasol dispela bikpela mani bilong provins ol i save putim we? Em nau, ating yu kisim tingting nau. Dispela olgeta mani save lus i go insait long

poket bilong ol.

Ating brata yu mas kisim bikpela helpim tru long ol olsem na yu mekim dispela kain toktok. Em i orait, win bilong yu. Tasol yu wantaim dispela ol lain i tingim tu bikpela lain pipel husat i givim pawa long ol i stap long ples tu o nogat? Sapos nogat, yupela mas sem na daunim yupela yet.

I mobeta Nesanel Palamen i oraitim tingting bilong rausim olgeta provinsal gavman na kamapim ol viles atoriti.

**Jipsie Bee,**  
**Madang.**

# You'll go bananas over this deal!

- \* 19ft Fibreglass Banana Boat
- \* 25hp Evinrude Outboard Motor
- \* 20 Litre Fuel Tank



ALL FOR ONLY  
**K3,950**

Go get em!

The go deals are one better at...



**BOROKO MOTORS**  
**THE GOOD GUYS FOR BEST BUYS**



- Nem:** Patricia Cann  
**Krismas:** 24 yia (meri)  
**Adres:** P.O.Box 415, Oguaa City GHANA, West Africa
- Save Laikim:** Kukim kaikai, ritim buk na go waswas long nambis.
- Nem:** Margaret Forson  
**Krismas:** 23 yia (meri)  
**Adres:** P.O.Box 415, Oguaa City GHANA, West Africa
- Save Laikim:** Pilai spot, harim musik, lukim piksa na senisim ol presen.
- Nem:** Gusa Yaap  
**Krismas:** 20 yia (man)  
**Adres:** P.O.Box 243 BULOLO Morobe Province
- Save Laikim:** Pilai soka, sutimsnuka na dats.
- Nem:** Roman Kem  
**Krismas:** 19 yia (man)  
**Adres:** Mosa MMC KIMBE West New Britain Province.
- Nem:** Samuel Bondi  
**Krismas:** 15 yia (man)  
**Adres:** Univ Junior Secondary School Cape Coast, GHANA.
- Nem:** Oscar Moses  
**Krismas:** 15 yia (man)  
**Adres:** P.O.Box 381 Cape Coast, GHANA.
- Nem:** Margaret Thompson  
**Krismas:** 24 yia (meri)  
**Adres:** P.O. Box 1100, IS 1100 Cape Coast, GHANA, West Africa
- Save Laikim:** Planim pla'ua, musik, spot, raun, poscat, pren wantaim ol arapela na marit.
- Nem:** Dorothy Love Ampiah  
**Krismas:** 24 yia (meri)  
**Adres:** P.O. Box 304, IS 304 Gold Line, Oguaa District, GHANA, West Africa
- Save Laikim:** Waswas long nambis, raun, musik, spot, pren wantaim ol arapela, kisim poto na marit.
- Nem:** Esther Amoah  
**Krismas:** 24 yia (meri)  
**Adres:** P.O. Box 1051, IS 1051 Cape Coast, GHANA, West Africa
- Save Laikim:** Kain kain samting bilong wokim.
- Nem:** Sophia Smith  
**Krismas:** 28 yia (meri)  
**Adres:** Dept. of Science Education University of Cape Coast GHANA, West Africa
- Save Laikim:** Muisk, poscat, ritim buk, senisim presen, pren wan taim ol narapela na marit.
- Nem:** Theresa Midley  
**Krismas:** 21 yia (meri)  
**Adres:** P.O. Box 1290, Cape Coast, GHANA
- Save Laikim:** Swim, spot, marit na kukim kaikai.
- Nem:** Nii Sagoon  
**Krismas:** 22 yia (meri)  
**Adres:** PO Box 1290, Cape Coast, GHANA
- Save Laikim:** Raun, spot na waswas long soiwara.
- Nem:** Christina Mensah  
**Krismas:** 23 yia (meri)  
**Adres:** P.O. Box 1290, Cape Coast, GHANA
- Save Laikim:** Raun, senisim presen na spot.

## Smokim kopra em inap stret

**Dia Edita,**  
 Mi wanpela woda husat i wok long Bui-eibi haus kalabus long Mendi insait long Saut-en Hailans provins.

Mi laik bekim pas bilong Peter bilong Kendrien long Wes Nu Briten provins.

Brata ya i tok olsem taim ol man i save go askim long wok olsem ol plisman o woda, ol bos i save tok olsem i nogat wok. Tasol taim ol meri i go askim, kwiktaim em ol i save yesa long ol.

Brata, mi laik tokim yu olsem i no gat wantok sistem long taim bilong kisim man o meri long wok wantaim plis o woda. Sapos yu laik joinim dispela tupela disiplin fos, yu mas gat gutpela mak long skul setifiket bilong yu.

Sapos nogat, em wari bilong yu. Go stap long ples smokim kopra na ol meri bai kisim ples bilong yu na kamap olsem ol woda o plis-meri.

Brata, mi laik askim yu tu long no ken traim komplem long ol meri. Nogut ol i dastim yumi. Bikos ol tu i save long wok, i no yu tasol.

Smokim kopra em inap!!  
**Slack Wales, Mendi, S.H.P.**

## Ol Wabeg na ol Tari bagarapim tru ol ples

**Dia Edita,**  
 Mi laik toktok liklik long Gordons maket. Na dispela kain bisnis bilong salim ol botol Coca Cola, smok na kaikai long hap.

Ol pipel bilong hailans i save mekim olsem.

Plis yupela ol dispela lain i save tingting tu o nogat. Ol lain bilong dispela hap yet i no save mekim olsem. Dispela pasin i bikpela namel long mipela ol strongpela het hailans.

Ol papa graun bilong hia i save lukim mipela na lap stret long mipela. Ol save bagarapim mipela tru.


Dispela pasin i no bikpela long ol Goroka, Simbu na Hagen. Nogat. Mipela ol lain Wabeg na Tari em ol aslain tru.

Mipela dispela ol lain tasol i save bagarapim ol taun na siti long kantri.

**Kol Pexy Boya, Mosbi, N.C.D.**

# HONDA® WATER PUMPS

## HONDA® POWER PRODUCTS



**Toba Motors are Honda's PNG Distributors for water pumps. They have the most diversified range available.**

- 2" Honda WB 20X 4 Stroke Engine Pumps 600 litres per minute.
- 3" Honda WB 30X 4 Stroke Engine Pumps 1100 litres per minute.
- 3" Honda WT 30X Trash Pump 4 Stroke Engine Pumps 1300 litres per minute.
- 4" Honda WT 40X Trash Pump 4 Stroke Engine Pumps 2300 litres per minute.
- 4" Honda WT 40X Diesel Trash Pump Pumps 1600 litres per minute.

*Kam na lukim mipela fete*



**TOBA MOTORS**

**PORT MORESBY 21 7874  
 LAE 42 2611  
 RABAU 92 1866**

Agents: ALOTAU 61 1246 KIMBE 93 5035 Mt HAGEN 52 1855 WEWAK 86 2784





# YU NO INAP WINIM TOYOTA HILUX

Dispela kar tasol em i bikpela na strongpela 1 tonne 4 wil draiv kar insait long Papua Niugini nau. Toyota Hilux i givim yu nambawan 2800cc disil pawa na i gat 5 pela gia, nambawan ples bilong sindaun bilong 5 pela man. Na i gat ol arapela samting olsem ol TJM Bulba, em bilong pasim ol bulmakau na ol bikpela wil. Yu no inap mekim wanpela samting sapos yu no gat dispela Toyota Hilux 4WD. Bikpela spea pat na sevis divisen bilong Ela Motors long olgeta hap bilong Papua Niugini i sapatim dispela nupela kar.

## Ela Motors

NAMBAWAN LONG  
PAPUA NIUGINI

- PORT MORESBY 229400
- LAE 433655
- RABAUL 921988
- MADANG 822188
- GOROKA 721844
- MT HAGEN 521888
- WEWAK 862255
- KAVIENG 942132
- KIMBE 935155
- TABUBIL 589060
- VANIMO 871254
- PORGERA 579367



EM 4249

# Malesia kampani bai katim timba long Wewak, Boikin, Dagua na Numbo

CHARLES MALENKI | raitim

SOVEREIGN Hills timba kampani bilong Malesia i redim pinis ol masin bilong wokim ol rot na katim timba long hap bilong Wewak lokol, Boikin, Dagua na Numbo konstituensi klostu long Wewak taun.

Ol papa graun bilong ol dispela hap i kamapim tu wanpela kampani ol i kolim olsem Wongwong Timba. Na oli makim pinis ol man bilong lukautim ol wok bilong kampani.

Siaman na menesing dairekta bilong Wongwong Timba kampani, Robert Pasu i tok ol wok bai stat long dispela wik. Olgeta masin bilong wokim rot na katim timba i kamap pinis long las wik Tunde. Na nau i stap long Painbus klostu long Wom pablik nambis.

Mista Pasu i tok nesanel gavman i tok orait pinis long Wong-

wong Timba kampani long stat katim diwai long hap em agrimen i karamapim long en. Em i tok Sovereign Hills bai katim ol diwai. Na Wongwong Timba bai wok olsem mausman bilong ol papa graun na developa bilong ol projek.

Mista Pasu i tok polisi bilong nesanel gavman i olsem kampani i no ken kisim moa long 25 masin bilong wok. Tasol kampani i bin kisim moa long 50 masin.

Em i tok 28 masin em ol ka na buldosa bilong wokim rot. Na 22 em ol masin bilong katim diwai na wokim timba.

Insait long 5-pela yia plen bilong kampani, em bai wokim tu ol nupela rot na tu stretim ol olpela rot insait long ol hap i stap long agrimen. Kampani i tingting tu long kamapim wara saplai, wokim skul, edpos na

wanpela senta namel long Numbo, Wewak lokol na Boikin konstituensi.

Mista Pasu i tok dispela em i astingting bilong kirapim ol wok long grisim ol lain husat i no gat wok na raun nating long taun i go bek long ples.

Insait long polisi plen bilong en, Wongwong Timba bai lukluk long strongim na sapatim ol egrikalsa plen bilong ol pipel.

Pasu i tok insait long wan wan kubik mita timba em kampani i katim, K1 bai go long nesanel gavman, K1 bai go long egrikalsa levi, K1 bai go long wok bilong planim ol nupela diwai, 50 toea bai i go long provinsal gavman na 70 toea bai i go long ol papa graun.

Em i tok long nau yet, klostu 200 papa graun i rejistaim pinis graun bilong ol na oraitim long kampani long katim timba. Na kampani bai kisim 300 manmeri long wok. Bihain ol papa graun



• Wanpela papa graun bilong Is Sepik, Robert Pasu wantaim aiglas long namel na ol arapela wanlain bilong em i sanap long Wom nambis taim sip i karim ol samting i kam pas long hap.

tu bai bung long makim ol nupela bod memba bilong kampani.

Tasol sampela papa graun bilong ples Wom i no amamas long hap em kampani i yusim long bringim sip na ol masin samting bilong wok i kam long nambis.

Mausman bilong ol, Chris Kalau i tok ol i no amamas long samting kampani i mekim. Na ol i laikim olsem kam-


pani i no ken yusim moa dispela hap olsem bris bilong ol.

Long plen bilong kampani, ol bai yusim dispela hap olsem tritmen eria bilong putim ol diwai ol i katim pinis long raun wara i gat marasin long en.

Mista Kalau i tok olsem ol lain i papa graun tru i bilong ol lain Songowe wanpisin.

Ol i tok olsem dispela kain wok bai bagaram tru olgeta samting long bus, nambis na long solwara. Olsem na ol i askim nau provinsal gavman long lukluk gut long wanem samting i wok long kamap long hap bilong ol. Na tu kampani i mas toktok gut wantaim ol pipel bilong Wom. Olsem na ol pipel bilong Wom i laikim olsem olgeta

wok mas stop. Divisen bilong Kalsa na Turisem long Wewak tu i no amamas long wanem Wom i gat gutpela nambis bilong waswas na malolo. Na ol manmeri i save go na raun lukluk long dispela hap. Olsem na Divisen bilong Kalsa na Turisim i laikim olsem kampani i mas autim ol envairomen na sepi plen bilong en pastaim.



• Dispela sip i karim ol bikpela masin bilong wok, ka na ol arapela samting i kam long Wom nambis. Tasol i gat ripot olsem dispela sip i gat hevi wantaim Foren Afeas. Foto: Charles Malenki.

## Biknem wel kampani bai wok long Hides 3

WANPELA bikpela wel kampani bilong wol, Exxon bai stat painim wel long hap bilong Papua rijon.

Tasol nem ol bai yusim long wok long kantri em narakain. Ol bai painim wel aninit long nem bilong Esso Highlands Limited. Na ol bai wok long Papuan Fold Basin em bipo ol lain bilong British Petroleum (BP) i wok long en.

Ol bai wok long Hides 3, hap ples ol lain bilong Hides Ges projek i kisim tok orait bilong painim wel long en.

Minista i save lukautim ol wok bilong painim wel, bensin, kopa, ges, gol na ol arapela samting bilong graun na solwara, Masket langalio i tok dispela em i no namba wan taim bilong kampani ya long kam insait long kantri.

Ol bikman bilong Exxon husat i kam bung wantaim Mista langalio em namba tu presiden

bilong kampani David Mcvoy, eksplorsesen menesa Ken Evans na Rick Webber, komesel menesa bilong BP.


Aninit long tok orait bilong wok long Hides 3, kampani bai yusim samting olsem K40 milien bilong mekim ol wok.

Sapos ol wok i kamap gut, kampani bai painim yet wel long narapela tupela hap bilong Hides projek.

Ol ripot bilong bipo i tok Exxon i bin kam traim painim wel tupela taim pinis long Papua Niugini. Na nau ol i kam bek gen.

Na Mista langalio i tok long wanem kain projek ol dispela kain kampani i mekim, gavman bai traim strong olsem kantri mas kisim bikpela winmani long en.

**LIKLIK  
IGO INAP  
LONG  
BIKPELA  
PAWA**



**OLGETA BOATMASTA  
IGAT SAVE LONG JOHNSON  
OUTBOARD MOTA**

IGAT LIKLIK 3.3HP NA BIKPELA  
300HP V8 OUT BOARD PAWA.  
LONG PNG JOHNSON,  
EMI NAMBAWAN OUT BOARD  
TRU, BILONG WOK NA PILAI.

*Kam na lukim mipela fete*



**HEY TOBA  
MOTORS**

PORT MORESBY 21 7874  
LAE 42 2611  
RABAU 92 1866

Agents:  
ALOTAU 61 1246  
KIMBE 93 5035  
Mt HAGEN 52 1855  
WEWAK 86 2784

# Moa helt woka greduet long Simbu Wok stat long Salamaua haiskul

## MICHAEL KOMA i raltim.

LONG Januəri 18, moa long 400 pipel i bin go long lukim 13 Komyuniti Helt Woka (CHW) i greduet long Kundiawa, Simbu Provins.

Long dispela greduesen, 9-pela man na 5-pela mēri i greduet. Fes Asisten Seketeri long Dipatmen bilong Simbu, Robert Matbob i bin go pas long dispela greduesen.

Em i bin tokim ol lain husat i greduet olsem bikpela samting em i no long fotnait pe ol bai kisim. Tasol long wok ol bai mekim long yusim save ol i kisim long helpim ol pipel.

Wanpela tisa bilong Simbu CHW Trening Skul i bin tok olsem gavman i mas givim sampela moa mani long wokim ol samting olsem klasrum na haus bilong ol tisa.

Helt Dipatmen i salim pinis dispela ol studen husat i greduet i go wok long 7-pela helt senta insait long wan wan distrik long provins. Bipo ol i bin kolim dispela skul Nes Eid Skul. Tasol long 1988 ol i senisim nem i go olsem nau.

Skul ya i save kisim ol gret 10 skul liva husat i wokim eksem bilong ol na pas. Na ol i save kisim tupela yia trening pastaim long ol i go wok long ol edpos insait long ol distrik bilong Simbu.

## YAKAM KELO i raltim

OL PIPEL bilong Salamaua long Morobe provins bai gat nupela haiskul bilong ol yet long 1994.

Asisten Seketeri bilong edukesen insait long Morobe, Samson Mangot i tok provinsal gavman i givim pinis K585,000 long kirapim dispela skul.

Mista Mangot i tok dispela mani bai go

long namba wan hap bilong karamapim ol wok olsem wokim rot, stretiim graun na sanapim pos bilong ol haus.

Provinsal Woks dipatmen long Lae bai mekim ol dispela wok long Salamaua.

Mista Mangot i tok tu olsem Edukesen dipatmen i givim pinis K167,000 long stretim

baret bilong paip bilong pulim wara i go insait long skul.

Stes 2 em we ol wokman bai sanapim pos bilong ol klasrum, ol haus bilong ol tisa na sampela haus nambaut long skul graun.

Stes 3 na 4 em bilong pinisim olgeta wok long dispela nupela skul.

Dispela skul bai bringim namba bilong olgeta skul insait long Morobe i go antap long 11.

Provinsal menesa bilong Woks insait long Lae, Mr. Kanawi Pongi i tok ol i salim pinis ol masin na wokman i go long eria bilong skul na wok bai stat long mun Mas.

Mr. Mangot i tok dispela wok i bilong nesanel gavman long wanem ol i kisim K1.6 milien i kam long wol beng.

Skul bai stat wantaim tupela klasrum bilong ol gret 7.

## Sipulung lusim nau Plis Fos na Madang

### WINIS MAP i raltim

PROVINSAL Plis Komanda bilong Madang, Pius Sipulung bai pinis wok long Fraide, 26 Februəri. Sipulung bai lusim Plis Fos bihain long em i wok wantaim ol long 26 yia.

Sipulung i gat 42 krismas na em i bilong Harengan ailan long Manus. Em i marit na i gat 4-pela pikinini. Sipulung i bin joinim plis fos long 1966.

Taim em i pinis long plis koles long Bomana, em i bin wok olsem wanpela konstebol na kisim promosen i go antap long sinia konstebol. Long 1974 em i aplai long skul olsem plis kedet na ol i kisim em. Sipulung i pinis skul na gretuet olsem wanpela opisa long 1976.

Ol i bin salim em i go wok long Rabaul olsem plis prosekyuta inap long 4-pela yia. Bihain, em i go long Mosbi na wok tripela yia. Em i lusim Mosbi na go wok long Hagen. Long 1988, ol i salim em i go long Madang long wok olsem Provinsal Plis Komanda.

Na nau em i wok yet long Madang. Inap em i tokaut long dispela wik olsem em bai pinis long wok. Sipulung i bin aplai long pinis long wok na ol bos long Mosbi i tok orait long em. Olsem na em bai pinis long dispela wik Fraide.

Man husat bai kisim ples bilong Sipulung em Robert Kalasim. Kalasim i bin wok olsem Provinsal Plis Komanda bilong Simbu pastaim long ol i salim em i go long Madang long kisim ples bilong Sipulung.

Sipulung i tok amamas long ol pipel bilong Madang long wok wantaim em.

"Mi wok 26 yia pinis na nau mi mas go malolo long ples na wokim sampela liklik wok," Sipulung i tok.

## Las gutbai bilong Moeder

i kam long pes 13 lukim. Bihain long dispela, ol i karim bodi bilong em i go long Holi Spirit haus lotu na wokim misa.

Bihain long lotu, ol manmeri i kam bung long Madang taun matmat klostu long Tusbab haiskul. Em nau ol i kisim bodi bilong Mista Moeder i go long matmat bilong planim.

Pastaim long ol i planim bodi bilong em, Deputi praim minista na minista bilong Fainens na Plening, Sir Julius Chan i mekim sotpela toktok.

Sir Julius i tok em i gat bikpela sori olsem Madang provins i lusim wanpela gutpela lida. Na tu Mista Moeder i bin wanpela gutpela lida bilong wok hat.

"Olsem na mi laik makim gavman bilong Papua Niugini, ol pipel bilong Madang na tu

famili bilong em yet long tok gutbai long bodi bilong em," Sir Julius i tok.

Em i tok ol pipel bilong Madang i mas bihainim wanem samting Mista Moeder i dai na lusim. Long wanem Mista Moeder i no wanpela man bilong komplem. Wanem kain wok em i holim, em i save mekim dispela wok wantaim amamas.

Ol narapela bikman husat i bin stap tu long lukim ol i planim bodi bilong Mista Moeder em oposisen lida long Nesanel Palamen Sir Michael Somare, primia bilong Madang, Andrew Ariako, nesanel memba bilong Sumkar Peter Yama, rijinol memba bilong Madang Peter Barter, Spika bilong Madang provinsal asembli Angmai Bilas, na ol narapela lida bilong provins.



## Ol Stua bilong Pacific Instant Lottery

Sans bilong yu long kamapim gutpela sindaun long taim bihain

Long nau yet, sampela papa bilong ol liklik stua i wok long amamas long dispela helpim em Pacific Instant Lottery. Olsem na nau em i sans bilong yu tu long bung wantaim ol olsem wanpela Stua bilong Pacific Instant Lottery. Taim yu mekim olsem, yu bai kamap wanpela bilong ol namba wan lain long hap bilong yu long kisim dispela nupela Tattslotto gem em bai kamap klostu.

Sapos yu wanpela gutpela man na i gat gutpela bisnis, yu ken toktok nau wantaim wanpela wokman bilong Pacific Instant Lottery long telipon namba 25 9666 long dispela samting.

Em Sans Ya!!





□ KANAGE em man bilong spak stret. Na taim em i spak pinis, em save painim kap aisblok bilong dring na kolim nek. Orait long wanpela taim, em dring long Fraide nait i go bungim Sarere nait. Pinis nau na em spak wantaim na go long ples bilong sutim kandis (pilal kat). Long hap em go na silp gut tru i stap. Arere tasol long Kanage em wanpela man i sindaun kaikai buai na wok long spet i go insait long kap aisblok. Mekim i go na dispela kap aisblok tu i pulap gut tru long meme bilong buai. Em nau Kanage silp i go na nek bilong em i dral nogut tru na em kirap. Ai bilong em i go pas stret long dispela kap aisblok wantaim meme bilong ret buai na em ting olsem aisblok i pulap gut tru long kap ya i stap. Boi go tasol kisim dispela kap na daunim olgeta meme bilong buai go daun. Bihain em kisim taim nau na i no toktok. Em go sanap klostu long dispela man husat i sindaun kaikai buai na wok long sutim kas. Em apim lek tasol na sutim stret sait het bilong man ya. Taim ol man i kirap, Kanage lustain pinis.  
John Pius Leksy,  
Rabaul, E.N.B.P.

■ KANAGE save wok olsem boskru bilong ol PMV bas long Rabaul taun. Wanpela taim em dring long Kaivuna Hotel wantaim wanpela hapkas, tasol em i no save olsem dispela man em wanpela pilot bilong balus. Tupela dring i go inap klostu hotel bai pas na hapkas tokim Kanage, "Kas, bai mi lusim yu nau. Bikos long 6 klok moning, bai mi kisim balus i go long Namatanai na kam bek. Na bihain mi ken bungim yu long hia gen." Taim Kanage harim olsem, em kirap brukim skru long hapkas ya na tokim em, "Can I have a wan spin boskru wantaim yu i go na kam bek?" Tasol hapkas i bekim, "Sori, em bai hat liklik." Kanage bel hat na tokim hapkas ya, "Sori mate and tenkyu very very slowly."  
John Pius Leksy,  
Rabaul, E.N.B.P.

□ KANAGE no man bilong danis. Tasol wanpela taim em go danis long ples Kanaka. Em go insait na sanap long wanpela kona i stap. Olgeta manmeri go danis na lukluk long ol i stap. Stret ai bilong em i go na pas long wanpela stall meri husat i wok long tantanim tu olsem mallo long ples bilong danis. Na dispela meri tu i wok long lukluk long Kanage. Kwiktaim Kanage painim tingting nau olsem dispela meri mas gat laik long em. Olsem na em tingting long go askim meri ya long danis. Narapela musik laik palrap stret na Kanage go kisim dispela meri na tupela mekim save i stap. Long namei bilong musik nau, Kanage kirap askim laik long meri ya. Tasol dispela meri no isi, em kirap bikmaus antap long Kanage na tok, "Yu ting mi singel meri bilong yu a?" Kanage tanim sem wantaim na tokim meri ya, "Em i orait, askim tasol. Bipo yu stap singel garamut bilong yu save palrap, yu save danis olsem tu?" Taim meri laik tromol narapela toktok tasol Kanage lustain pinis.  
John Pius Leksy,  
Rabaul, E.N.B.P.

■ KANAGE wantaim ol man pilal kat i stap. Boi bagarap long smok na salim pikinini go baim wanpela lus B&H sigaret i kam. Em no wet. Taim pikinini kamap tasol wantaim smok, em pulim i go inap smok i pinis olgeta. Tasol em no tromoi, boi wok long pulim yet i go. Pikinini sindaun lukim i go na kirap tokim papa, "Papa, olsem wanem. Yu lusman o? Simuk i pinis na yu smokim i go na olgeta matres bilong simuk i pinis olgeta. Maski yu daunim nau." Kanage sem pipia stret long ai bilong ol poro bilong na kirap sutim nus bilong pikinini.  
John Pius Leksy,  
Rabaul, E.N.B.P.

# Tupela susa kros long saksak na tanim kamap olsem koki long Pangia



BIPO bipo tru i gat tupela kum katim susa i stap long ples Kali long Kauwo insait long Pangia distrik long Sauten Hailans provins.

Nem bilong tupela em Aroa na Akoma. Aroa em bikpela susa na Akoma i liklik. Mama na papa bilong tupela i bin dai taim tupela i liklik yet.

Tupela yet i save painim ol kaikai bilong tupela. Ol lain long ples i no save helpim ol. Tupela i stap olsem tasol i go na kamap bikpela.

Lukluk bilong dispela tupela meri i nais tru na olgeta man long ples i save dai long tupela. Olgeta yangpela man na lapun man i save toktok long tupela tasol.

Bikpela susa i wanpela strongpela meri tru. Ol man i traim askim laik long tasol em i les. Olgeta taim em i save toktok long

susa bilong em Akoma long no ken seksek long ol man.

Tupela i strongpela meri tu long painim kaikai. Olgeta de tupela save go long bus na painim abus. Tupela save kilim ol na kukim wantaim kaukau.

Orait long wanpela taim nau, Aroa i tokim liklik bilong em Akoma olsem em i les long kaikai kaukau. Na laikim bai tupela i go long tais na katim saksak. Em nau liklik susa i orait long dispela tingting.

Long narapela de, tupela kisim ol samting bilong skrapim na wasim saksak na tupela i go long tais. Tupela i go kamap long tais na stat painim saksak bilong tupela long katim.

Tupela i go na lukim wanpela gutpela saksak i sanap i stap. Ol i putim ol samting i go daun na wokim bet bilong wasim saksak. Bihain bikpela susa i kisim tamiok na stat long katim saksak.

Taim tupela i katim pinis, ol i stat long rausim bun bilong saksak na paitim saksak.

Tupela i skrapim pinis na karim i go long ples bilong wasim. Long ples Aroa tokim Akoma long wokim paia bilong kukim



kaukau na banana. Em nau Akoma kirap na mekim olsem.

Aroa yet i kisim limbum na wokim olsem baket long kisim wara bilong wasim saksak. I no longtaim, wanpela yangpela boi i kamap long tupela. Em i wok-abaut i go klostu long Aroa na tokim em olsem em i sori long tupela na laik helpim ol long wasim saksak.

Dispela yangpela man i kisim limbum na go kisim wara na stat wasim saksak. Orait tupela susa ya i go kaikai kaukau na

banana i stap. Tupela pinis kaikai na wok-abaut i go lukim em.

Na taim tupela i kamap long hap man ya i wasim saksak long en, tupela i lukim olsem mak bilong saksak i stap daunbilu yet. Liklik susa i no amamas, em i laikim saksak i mas kam antap. Tasol bikpela bilong em i laikim saksak i mas stap long wanpela mak tasol.

Dispela i wokim na tupela stat long kros. Na em i namba wan taim tu bilong tupela long kros. Taim tupela i

stap liklik manki i kam inap nau tupela i no bin kros liklik.

Liklik susa i bel hat na paitim bikpela susa wantaim samting bilong skrapim saksak.

Na kwiktaim na lilik susa i tanim olsem waitpela koki na bikpela susa i tanim kamap olsem blakpela koki. Na yelopela samting long het bilong koki i soim ples liklik susa i paitim. Yangpela man tu i lukim olsem na tanim kamap olsem wanpela pisin.

Rex Manie  
LAE

## Papamama bilong boipren laikim mi bihainim ol tasol

*Dia Laiplain, Papa na mama bilong boipren bilong mi husat i dai pinis i wok long tokim mi long wanem samting mi mas wokim na wanem man mi mas maritim.*

*Mi no maritim pikinini bilong ol pastaim long em i dai. Na ol i no bin givim sampela samting na mani long*

*baim famili bilong mi. Tasol mi gat bikpela laik long em olsem na mi bin go wantaim ol long ples na stap long wanem samting em. Mi bin lusim wok na stap wataim ol long ples inap long sampela mun.*

*Tasol nau taim mi laik toktok wantaim ol wanskul na ol man*

*long provins bilong mi yet, papamama bilong boipren bilong mi save kros na les long lukim mi. Bai mi stretim dispela hevi olsem wanem?*

### PARENTAL PRESSURE.

Dia Pren,

Dispela pasin ol lain

bilong olupela boipren bilong yu i wokim i no gutpela long Papua Niugini. Bikos ol i no givim sampela kain samting o mani long ol lain bilong yu long soim olsem ol i baim yu.

Ol i ting olsem ol i mas lukautim yu bikos yu soim olsem yu gat bikpela laik long pikinini bilong ol. Ating

ol bai amamas long yu stap wantaim ol taim pikinini bilong ol i dai olsem tambu meri bilong ol.

Inap yu toktok wantaim ol na tokim ol olsem yu stap wantaim ol long ples bikos yu laik stapim ol long wari tumas. Na tu olsem yu gat bikpela laik long pikinini bilong ol. Tokim ol yu wantaim pikinini bilong ol i no bin pasim tok long marit. Na nau taim bilong wari i pinis na yu laik statim nupela laip bilong yu gen.

Papa na mama bilong yu i stap klostu o nogat? Sapos ol i stap klostu, tokim ol long go na tok klia long papamama bilong boipren bilong yu long dispela.

Sapos yu stap wantaim papamama bilong pren bilong yu, ol bai tingting long wokim samting long yu long taim bihain. Inap yu go bek long taun na kisim wok yu bin lusim? O go bek long ples bilong yu?

MI Laiplain.



*Higgins traim tasol...Niusman bilong EM TV long Mosbi, John Eggins i askim wanpela bisnisman bilong Indonesia long rot em ol diuspela samting i save wok long en. Em i bin go wantaim ol arapela bisnisman na niusman bilong PNG long Indonesia. Foto: Dominic Kakas.*

# NIUSPEPA BILONG VIINI STREET

# WANTOK

NIUSPEPA BILONG OL PAPUA NIUGINI STRET

Ernst & Young audited/  
circulation 15,177

28 pes

Namba 965

Wik i stat long Trinde, Desemba 30, 1992.

40 toea

## MOROBE TINPIS STAP HAIT YET

**Gavman: Niuslain helpim ol BRA:**

### FRANCIS ULIAU i raitim

NO GAT klia tok i kamap yet idng anem hap nupela tinpis lektori bilong ol long Morobe provins bai stap long en.  
Na ol lain long Dipatmen bilong Morobe wantaim provinsal Lens opis i no save long wanem samting i kamap nau. Bikos, ol i tok, olgeta samting i kamap tasol long opis bilong Tred na indastri long Mosto. Na no gat gupela toktok na wokbung i save kamap wantaim ol lain long provins.  
Seketeri bilong Morobe provins.

Manasupe Zureluoc i tok em yet i no klia long wanem rab dispela nupela tinpis lektori bai sanap long en. Bikos i gat planti kain kain toktok i stap yet.  
Em i tok nau, ol i wetim tasol rpot bilong ol lain long Tred na Indastri husat i bin go long Malesia wantaim mmista David Mai. Na bihain long Nu Ya, ating em bai inap kliam ol dispela samting.  
Long 14 Novemba i go inap long 21 Novemba, 7-pela opisa bilong gavman i bin go long Malesia na Filipin Ailan bilong sekap long ol tinpis bisnis long hap. Na ol bai gwimol rpot i go long bos bilong dipatmen long namba wan wik bilong neks ya.  
Namel long ol 7-pela opisa ya em wanpela bilong Envairomen na Konvesen, Fainens na Plening, Lae Siti Atoriti, Morobe provinsal gavman na tripela long dipatmen bilong Tred na Indastri.  
Long wankain tam, rpot i kam long provinsal Lens opis long Lae i tok ol no save long wanem samting i kamap nau. Bikos ol ia n long Tred na indastri i no toktok stret wantaim ol Mipela i save tasol long dispela ol samting long niuspepa, wanpela opisa bilong dipatmen i tok.  
Em i toktok oisem i Tred na Indastri bin mekim wankain samting tu long ol lain long morobe long pes 2



Goroka brukim la... Long las mun, G EHP Kapitel Atoriti i bin tambu long ol pip long ol rot na maket. Tasol ol pipel i w mit bilong sipsip na ol kaikai oisem.

GAVMAN i tok oisem o niusman i wok long helpim ol BRA long saiens impawa bilong ol long Bogenvi.  
Man husat i aukautim nius bilong Bogenvi Franzalbert Joku i tok dispela wok long daunim strong bilong ol lain husat i tak stretim hevi long hap.  
Dispela tok i bihainim wanpela 3 pes rpotinsat long Post Courier long toktok bilong wanpela meri loya bilong Australia, Rosemary Gillespie husat i stap long Bogenvi. Gillespie i bin tok oisem ol sekuyuti los i lusim itakara rot na Tunuru msin.  
Misp...

- Plis opisa joinim NCDC bod...p2
- Glasim 1992...p3
- Is Sepik baset...p5

## Nupela mak bilong ne i dau

### MESERY GUBAG i raitim

Ol lain husat em kismas bi armit long 21 kismas na w...  
...eta bai kismas...  
...wai pela wik stat long...  
...ndastriel Reistra

# 400t

# tasol!

# WANTOK


NIUSPEPA BILONG OL PAPUA NIUGINI STRET

# PABLIK NOTIS

Sapos yu laik advertais, telepon 25 2500 na askim long

PH Min Aion Ext 203  
John Iagata Ext 215  
Kosinto Fosagu Ext 216  
Bonner Hui Ext 202

## BORAL GAS



### BISNIS LONG PLES

Ol man bilong wok hat long bisnis insait long ples na i laikim gutpela sindaun long taim bihain

Nau em i sans bilong yu long mekim dispela na kamap olsem wanpela man bilong salim ol samting bilong Boral Gas long ples bilong yu. Mani yu mas gat bilong statim ol wok em K1,100.

Ol Bisnisman husat i gat laik long dispela i ken toktok wantaim Sels Menesa long telipon namba 21 4248.

Sapos yu laik salim toksave o edvatasim spes long WANTOK

Ringim 25 2500  
na askim long  
sels dipatmen

# WANTOK

NIUSPEPA BILONG OL PAPUA NIUGINI STRET

Ernst & Young audited/  
circulation 16,177



## NATIONAL CAPITAL DISTRICT COMMISSION CONDOLENCE MESSAGE

On behalf of the Chairman, Management and Staff members of the Commission, we convey our heart felt grievances and condolences to the family members of the late

### LEVANA NAVURU



(wife of Acting City Manager Meréa Navuru) who died last Thursday night (18/02/93).

We join the family members in this time of distress of losing a family member so dear to them.

She will be remembered for her friendly approach to staff members of the Commission.

**MAY HER SOUL REST IN PEACE.**

HON. DAVID UNAGI MP  
CHAIRMAN — NCDC  
and

THE MANAGEMENT AND NCDC STAFF MEMBERS.

### TOK SORI



### long indai bilong ANGELA SAROHAFa

Long makim Menesmen na ol Wokman bilong Postel Sevises Divisen, mi laik salim bikpela tok sori, wari na bel hevi mipela i karim nau long indai bilong

#### Misis Angela Sarohafa

Em i bin mekim bikpela wok tru long helpim na trenim planti opisa bilong mipela long olgeta hap bilong kantri. Na long hatwok bilong em, dispela ol lain i stap amamas nau long ol wok bilong ol.

Na dispela gutpela na bikpela wok bilong em i no inap kamap moa.

Mipela ol poro na wanwok bilong em i laik tok save long yu, Mista Sarohafa, ol pikinini, famili memba na ol wantok olsem aiwara bilong mipela tu i kapsait long dispela taim bilong wari.

Blesing bilong Bikpela God i ken stap wantaim em oltaim.

JENEREL MENESA POST





• Dispela pilala long namel i ron i kam long hom. Dispela em long wanpela gem namel long United Sisters na Malagan long Madang. *Poto Ben Taumai.*



• Strongpela fowat bilong Difens, Kes Paglipari i pundaunim wanpela pilala bilong Hawks husat i laik traime long stapim em. Hawks i no strong na Difens i nekim ol wantaim 38-10 skoa. *Poto Henry Morabang.*



• Beta bilong Varsity wantaim bet i lukluk long wanpela paul bal em pitsa bilong Karanas i wokim. *Poto Henry Morabang.*



• Dispela pilala bilong Varsity long raithan i traime long autim wanpela pilala bilong Karanas husat i ron i kam long bes. Strong bilong tupela tim i wan kain olsem na tupela i dro 8-8. Dispela em pilal bilong C gret long Mosbi sofbal resis las wiken.



• Joe Gispe bilong Air Niugini i wokim wanpela takel long wanpela pilala bilong Kone Tigers. Air Niugini i strong na winim Tigers, 18-8.



• Dispela susa sanap long lephan i no meri nating. Em i wanpela empala husat i wok long lukautim sofbal gem namel long United Sisters na Malagan long Madang sofbal resis.







*Holim gut..... Dispela meri i sambal gut tru long ketsim bal long wanpela sofbal gem long Madang. Poto Ben Taumai.*

# Trik bilong Jonbili helpim Yokomo

## MESERY GUBAG I raitim

BIHAIN long pasin i bin kamap las wiken long sofbal resis bilong ol meri long Mosbi, i luk olsem Yokomo inap go insait long semi final.

Malangan i mas pait strong long holim ples bilong ol. Sapos nogat, ol bai sanap sori na Yokomo bai tekova long ol.

Insait long poin lata bilong raun 1, Yokomo i stap long namba 8 ples bihain long Malangan na Allstars. Long gem bilong las wiken, Yokomo i bin mekim Wantoks na Mazda i kirap nogut taim ol i winim ol, 13-8 na 9-8.

Tasol ol arapela tim i no ken kalap nogut tumas. Bikos man husat i kosa bilong ol em Jonbili Tokome. Em tasol i kosim PNG mens sofbal tim husat i bin winim gol medal long 1991 Saut Pasifik Gem.

Em i wanpela man husat i gat planti save tru long dispela pilai. Na dispela pilai bilong las wik

em ol Yokomo i winim i kamap bikos ol i skelim gut ol ples bilong paitim bal i go long en.

Na ol lain ol i pilai egensim i no inap long holim ol kwik. Dispela pilai i soim olsem ol Yokomo i bin stadi gut tru long pilai bilong tupela tim ya. Bikos ol tim ya em ol biknem tim. Tasol nem bilong ol i no bin helpim ol long winim pilai.

Long narapela pilai, Royals i rausim laplap bilong Fuji na kisim namba tri ples long poin lata. Fuji em wanpela strongpela tim tru wantaim gutpela filwok namel long ol pilai. Tasol ol plismeri i no wari long dispela. Ol i go insait, kilim bodi na winim Fuji.

Dispela nau i soim olsem bai i gat ol gutpela pilai long namba tu raun. Bikos i gat kain kain stail na tenis bai kamap long ol tim husat i tingting long winim gren fainal. Na ol biknem tim olsem Mazda, Gazelle na Fuji i mas tingting gut taim ol i pilai egensim ol tim husat i no gat nem tumas. Bikos ol i soim pinis olsem ol tu i fit.

# Vanimo salim tripela man long train Arafura skwat

## WINIS MAP I raitim

VANIMO bai salim tripela man long makim Wes Sepik provins i go long Lae long Arafura trails. Dispela trails bai kamap long Mas 6 na 7. Dispela trails em long makim ol gutpela

man bilong itlekit long go long Arafura Gems long Australia.

Namba tu presiden bilong Vanimo Itlektiks Asosiesen (VEA), Luis Feni i tok Vanimo bai salim tripela man i go long Lae. Dispela tripela man husat bai makim provins em Aron Dupnai, Justin Ispasi na Jeremiah Sapak.

Dupnai husat i gat bikpela nem long ron long longpela rot bai go pas long Ispasi na Sapak. Feni i gat bikpela bilip olsem dispela tripela man bai wokim planti ol arapela senta i kirap nogut taim ol i resis wantaim ol. Dupnai yet i bin wok long treningim Ispasi na Sapak, na em i bilip olsem dispela tupela man inap ron gut Lae. Long las wik Sande ol dispela tripela man i



• Aron Dupnai

bin holim wanpela ranaton bilong painim mani bilong ol i go long Lae. Ol i bin ron 27 kilomita stat long ples Musu na pinis long Vanimo taun.

Ol i kamapim K150 tasol ol i laikim sampela mani moa. Kos bilong ol dispela tripela man long go long Lae bai kos samting olsem K1800. Na nau ol i askim ol kampani na ol man long helpim ol.

Feni i tok em i salim tupela pas i go pinis long WTK Realty timba kampani na Vanimo Treding kampani long helpim ol. Tasol em i no kisim wanpela bekim yet.

Em i gat bikpela laik tru long lukim ol dispelatripela man i go long Lae. Bikos Dupnai i wanpela man husat i gat namba long ron na sapos em i no go dispela bai no inap luk gut.

# Warriors no gat nem long Inta-siti resis

## ELLIOT RAPHAEL I raitim

SIMBU Warriors ragbi lig tim i no inap stap insait long SP inta-siti resis long dispela yia.

Dispela toktok i kam long nupela presiden bilong Kundiawa Ragbi Futbol Lig, Dennis Reynalds.

Dennis i tok PNGRFL i no oraitim Simbu long putim tim long dispela resis. Long wanem i save gat hevi taim ol i pilai wantaim ol tim bilong ol narapela provins.

Tasol Dennis i tok Simbu Warriors i no save

kamapim ol dispela trabel.

Em i tok tu olsem long Kundiawa yet, ol sapota i no save kamapim kain trabel olsem.

Ol trabel i save kamap taim ol i go pilai long ol narapela provins. Na dispela i soim olsem Simbu Warriors i gat gutpela nem.

Collins & Leahy kampani i tok bai ol i sponsaim Warriors tasol pasin nau PNGRFL i wokim i min bai ol i no inap long pilai.

Simbu Ragbi Futbol Lig nau i gat ol nupela opisal. Dennis yet i holim wok olsem presiden, Anton Kama em seketeri na Palma Embia em tresa o man bilong lukautim mani.

# Beng helping treing bilong tim long Arafura gem

PAPUA Niugini Tas Federesen (PNGTF) i kisim pinis namba wan helpim i kam long wanpela kampani.

Long mun Desemba 1992, menesing dairekta bilong Beng

ov Saut Pasifik Limited (BSP), Noel Smith i bin givim 50 singlis i go long PNGTF

Smith i givim ol dispela singlis i go long presiden bilong PNGTF, Joe Yore na

namba tu kosa, Pala Aruai. Ol lain husat bai trening long tim bilong go pilai long Arafura bai yusim ol dispela singlis.

Smith i tok beng i givim ol singlis bikos

wanpela wokmeri bilong ol, Muriel Kakamara i stap insait tu long PNG miks tim bilong go long Arafura. Muriel i save wok wantaim BSP long Lae.

Taim Yore i kisim ol dispela singlis, em i tok dispela em i namba wan taim bilong wanpela kampani long helpim nesenel tas bodi. Na ol i amamas long kain helpim beng i givim long ol.

Planti taim ol pilai na asosiesen yet i save painim mani bilong go long ol bikpela tas resis.

Smith i tok, "Ragbi tas i wanpela gutpela pilai long wanem ol pilai i no save painim bagarap. Olsem na em i askim planti yangpela man na meri long pilai ragbi tas.

"Mipela i bilip olsem ol arapela kampani tu bai helpim na traim long wokim ragbi tas i kamap bikpela long Papua Niugini."



• Menesing dairekta bilong BSP, Noel Smith long ralthan i sekan wantaim presiden bilong PNGTA, Joe Yore. Meri long namel husat i holim singlis em Muriel Kakamara. Na long lephan em namba tu kosa bilong PNG tim, Pala Aruai.

Popondetta redi long pri sisen

TINGTING bilong Popondetta Soka Asosiesen (PSA) long statim kik bilong pri sisen long las wiken i no bin kamap.

Bikos planti tim i no bin kamap long ples bilong pilai.

Seketeri bilong asosiesen, John Mark Victor i bilip olsem ol namba wan pilai bilong pri sisen bai kamap long dispela wiken. Victor i tok sampela tim i givim nem pinis na ol i ting bai i gat pilai long dispela wiken.

Em i tok, "PSA i laikim wok bilong soka long provins i kamap strong. Olsem na long dispela yia, bai i gat 4-pela divisen. Ol dispela divisen em primia, primia risev, namba wan na wimens."

Ol klap husat i laik stap insait long pri sisen kik i mas baim K30 nominesen fi. PSA i laikim nominesen fi pastaim long pinis bilong dispela mun.

Asosiesen i laikim tu K250 klap afiliesen fi bilong wan wan klap. Dispela K250 i bilong ol klap husat i laik stap insait long 1993 soka sisen. Pilaia rejistresen bilong sisen tru em K10 Na dispela olgeta fi i mas go long han asosiesen long pinis bilong dispela mun.

Lanzinlu winim sempion taitel long Kobiak

ARI GUH DANDEE i raitim

LANZINLU soka tim i winim pinis gren fainal bilong Kobiak Soka Asosiesen.

Ol i bin pilai wantaim Forcol na nekim ol, 6-2 long winim taitel bilong dispela yia. Gren fainal kik i bin kamap long Sarere.

Taim pilai i stat, ol boi Lanzinlu i no westim taim. Ol i samsam liklik i stap i go na umben bilong ol lain Forcol i stat meknais. Ol pilaia bilong Forcol i laik traim kisim bal na sutim gol, tasol i nogat olgeta.

Tasol long ol namba wan minit bilong pilai, tupela sait wantaim i strong tru. Mekim i go na Komote Silas i lukim olsem las banis bilong Forcol i slek liklik. Na kwiktaim em i sutim namba wan gol bilong Lanzinlu. Dispela gol nau i kirapim tingting bilong ol wanpilaia bilong em na ol i stat paia.

Olsem na i no longtaim, Yatasa i sutim namba tu gol. Mak bilong ol gol i bin stap 2-0 i go inap long haptaim.

Long namba tu hap, paia bilong Lanzinlu i kirap gen na Komote i sutim namba tri gol. Bihain Yatasa i kam na sutim narapela.

Brown Electrical no laikim ol narapela bai win

WINIS MAP i raitim

BROWN Electrical 7-asait soka resis long Goroka i wok long kamap gut bihain long ol i pilaim tripela gem pinis.

Bihain long ol pilai nau, tim bilong Brown Elektrikal yet i wok long go pas long poin lata. Ol i gat 6 poin na Capital Authority i bihainim ol wantaim 5-pela poin.

Tupela tim husat i stap aninit tru long lata em PTC na Pepsi. PTC i no gat wanpela poin na Pepsi i laik long kisim wan poin.

Karanas promis long autim ol meri Kabi

BEN TAUMAI i raitim

KARANAS i gat gutpela sans long winim Kabi long eliminesen fainal bilong ol A gret meri long Madang sofbal.

Dispela pilai bai kamap long Sarere, 27 Februeri. Ol susa bilong Karanas i gat sans long win bikos ol i gat ol strongpela beta husat inap paitim bal i go longwe. Ol dispela meri em Susie Tarasumo, Bonnie Emos, Evelyn Ora na Vero Vaila.

Na long taim ol i kisim fil, Tarasumo bai givim ol dispela topido bal bilong em na mekim hat long ol Kabi beta long paitim bal.

Tasol Tarasumo i mas lukaut gut. Long wanem, nogut tambu bilong em Judith Zale bai samsam long hapsait na TKO long ol beta bilong Karanas. Zale em i wanpela strongpela pitsa na ol meri Karanas bai lukim das i kirap long lek bilong ol.

Manus soka wok long pundaun : presiden

WINIS MAP i raitim

STAIL bilong pilai soka long Manus i go daun tru. Na ol i laik stretim dispela.

Presiden bilong Manus Futbol Federesen (MFF), Jones Bernard i bin wokim dispela toktok taim ol i holim AGM bilong ol long 20 Februeri. Jones i tokaut long dispela insait long ripot bilong em.

Manus i gat nem long kamapim ol gutpela soka pilaia long kantri. Tasol nau ol stail bilong pilai i slek olgeta.

Bernard i tokaut long kibung olsem kik bilong ol lain long Manus bipo i no wankain olsem long las yia.

1992 i bin wanpela yia nogut bilong soka long hap. Dispela i kamap ples kliia long taim bilong nesanel soka sempionsip long mun

Septemba. Tupela tim bilong Manus, Chauka 1 na 2 i no bin kik gut olsem ol pipel i laikim long en. Narapela tu em long taim bilong klap sempionsip taim wanpela tim bilong Manus, Manuai i no bin kik gut.

Olsem na long dispela yia, MFF bai painim ol rot bilong kamapim gen wok bilong soka insait long provins.

Narapela samting em MFF i

makim pinis ol nupela man long lukautim wok bilong soka long dispela yia. Ol dispela lain em Jones Bernard (presiden), Mathias Pohai (namba tu presiden), Philip Moniau ( asisten vais presiden), Caspar (tresera), John Semio (seketeri) na Job Sakael (namba tu seketeri).

Ol i bin makim ol dispela nupela man long taim bilong AGM long 20 Februeri.



Rasta..... Dispela pilaia bilong Jastis long namel wantaim paul gras i rausim bal harip tru pastim long blrua bilong em long Hom Afeas i kisim. Tim bilong em i no strong na Hom Afeas i winim ol wantaim 1-0 skoa. Foto Henry Morabang.

Long las wik Sande, olgeta tim i bin pilaim tupela taim. Brown Electrical husat i sponsaim dispela kompetisen i no laikim ol arapela lain i autim ol prais em kampani bilong ol bai givim. Olsem na ol i winim tupela pilai bilong ol wantaim.

Namba wan gem, ol i pilai wantaim Pepsi. Ol sofelring boi mas dring planti Pepsi olsem na ol i hevi long ron long fil. Kain slek pasin bilong ol i wokim na Brown Electrical i givim ol wan gol.

Long namba tu pilai ol i bagarapim stret PTC na winim ol, 3-0. Olgeta waia bilong ol boi PTC i lus pinis olsem na ol i no strong long stapim ol kandre bilong Brown Electrical.

Kabi i tu long eksperiens pilaia. Olsem na ol i gat bikpela sans long win. Tasol sapos ol i laik pilai kaskas, ol meri Karanas bai pinisim olgeta lewa bilong ol.

Tupela susa ya, Judith na Mabe Zale bai go pas long ol meri Kabi long Sarere. Ol narapela lain husat bai helpim tupela em Jubili Tulau, Malia Ailau, Ruth Puipui, Joan Hiraiha, Selina Darius, Perinis Genaia na Antonia Samol.

Ol pawahaus bilong Karanas husat bai meknais long bun bilong Kabi em Joan Manzen, Josephine Uraelin, Ivon Sawi, Cecilia Moken na Agnes Korus. Ol bai wok hat long bringim Karanas i go long gren fainal.

Zale i tok ol meri Kabi bai pilai strong long Sarere. Tasol long win, ol i mas pilai olsem wanpela tim.

Tasol bekim i kam long Karanas em, "Maski ol i gat planti eksperiens pilaia, mipela bai mekim ol i sindaun silip wantaim wari."



# BENSON & HEDGES SOKA

Wantok

pes 28

## PNGFA tok lukaut long baim ol fi

### WINIS MAP i raitim

PAPUA Niugini Futbol Asosiesen (PNGFA) i wetim yet ol soka senta insait long kantri long baim ol afiliesen na pilaia rejistresen fi bilong ol.

PNGFA i laikim ol afiliesen na rejistresen fi pastaim long 19 Epril.

Afiliesen fi i sanap olsem ol A senta bai baim K1000 na ol B senta bai baim K500. Ol A senta em Mosbi, Rabaul, Manus, Wabeg, Hagen, Goroka, Wewak, Lae na Madang. Na ol B senta em Vanimo, Popondetta, Kimbe, Ramu, Simbu, Kavieng, Kokopo, Buka, Kerema, Daru, Alotau na Mendi.

Tresera bilong PNGFA, Brandan Coombs i tok planti senta i no baim ol fi yet. Em i tok 5-pela senta tasol i baim bilong ol. Ol dispela senta em Wabeg, Manus, Simbu, Hagen na Mosbi.


Long dispela 5-pela, tasol em Simbu B senta na i baim pinis K500 afiliesen fi bilong en. Ol i bin baim fi long taim PNGFA i holim AGM long Goroka long las mun. Na ol A senta husat i baim pinis afiliesen fi em Wabeg, Hagen, Manus na Mosbi.

PNGFA bai sasim ol senta sapos ol i no baim afiliesen na pilaia rejistresen fi bilong ol pastaim long Epril 19. Sas bilong baim afiliesen fi bihain long Epril 19 i sanap olsem ol A senta em K100 long wan wan mun na ol B senta em K50.

Na sapos ol senta i no baim afiliesen fi, PNGFA no inap luksave long ol pilai bilong ol. Na ol i no inap kisim tu helpim bilong PNGFA.

Narapela samting em PNGFA bai stapim ol long stap insait long ol bkpela sempionsip na stapim ol pilaia bilong ol long stap insait long PNG skwat bilong go pilai wantaim ol arapela kantri.

Tasol PNGFA i no inap stapim ol long kik. Ol senta husat i no afiliet i ken go het na statim ol kik bilong ol. PNGFA i no inap luksave long dispela kik na em i no inap mekim wangepela samting long helpim dispela ol senta husat i no afiliet.



• Pilaia bilong Jastis wantaim bal i lukluk long wanem hap em bai kikim bal. Jastis i bin pilai wantaim Edukesen na ol i dro 1-1. Dispela em kik bilong Pablik Seven soka long las wiken.

### NCD PUBLIC SERVANTS SOCCER ASSOCIATION DRAW

DATE: SATURDAY FEBRUARY 27TH 1993:

Week 18:

Time	Teachers	vs	Fixture	Division
8.00	Teachers	vs	POSF	Men
9.10	Teachers	vs	Labcis	Women
10.00	NPF	vs	P/Minister	Women
10.50	H/Board	vs	Health	Men
12.00	Lands	vs	Elcom	Women
12.50	NPF	vs	Elcom	Men
2.00	H/Board	vs	Justice	Women
2.50	PTC	vs	DPM	Women
3.40	PTC	vs	P/McGregor	Men
4.50	Justice	vs	Natres	Men

### SUNDAY FEBRUARY 28TH 1993

8.00	H/Affairs	vs	DPM	Men
9.10	H/Affairs	vs	Health	Women
10.00	NBC	vs	Housing	Women
10.50	DCA	vs	CMB	Men
12.00	DCA	vs	Uni	Women
12.50	NBC	vs	Labcis	Men
2.00	PNGBC	vs	Works	Women
2.50	Education	vs	Taxation	Women
3.40	PNGBC	vs	Works	Men
4.50	Education	vs	Uni	Men

Bye: Lands (Men)

### INSAIT

Karanas  
promis long  
autim ol meri  
Kabiu.....P27

Brown Elec-  
trical no  
laikim ol  
narapela bai  
win.....P27

Warriors  
nogat nem  
long lata - siti  
resis.....P26

Trik bilong  
Jonbili helpim  
Yokomo.....-  
...P26

## Peka lusim Morobe Kantri long kirapim junia soka

### YAKAM KELO i raitim

WANPELA biknem soka pilaia na kosa bilong Lae, Ludwig Peka i laik lusim nau wok olsem kodineta bilong Morobe Kantri Soka Asosiesen.

Peka i tok em i stap wantaim Morobe Kantri inap long 5-pela yia olgeta. Na nau Morobe Kantri kamap olsem wangepela asosiesen pinis.

Em i laik lusim Morobe Kantri bikos em i tingting long wok moa klostu wantaim ol nupela na yangpela pilaia. Na tu em i laik kirapim wok bilong ranim junia soka insait long provins.

Peka laik mekim olsem bihain long em i go long wangepela kos long Fiji tupela yia i go pinis. Na taim em i kam bek, em i tingting moa long wok bilong strongim ol yangpela pilaia.

Long nau yet Peka i kamapim pinis wangepela program em i kolim MOROJUN o Morobe

Junia.

Bihainim program, em bai bungim olgeta yut bilong Morobe na kamapim wangepela bikpela skwat. Orait long dispela, ol yangpela bai kisim spesel trening bilong ol yet. Dispela program bai traim long kamapim klia ol yangpela pilaia

### Ol Manus wetim yet dinau bilong las yia

MANUS Futbol Fed-eresen (MFF) i wetim yet ol lain husat i go pilai long B&H soka resis long hap long baim ol ples husat i bin lukautim ol.

Dispela bikpela dinau i kamap long las yia mun Septemba taim Papua Niugini Futbol Asosiesen (PNGFA) i holim nesenel soka taitel resis long Manus ailan. Na ol ples long hap i bin lukautim wan wan tim husat i go kik long B&H Kap.

Tasol bihain long 6-pela mun nau, planti senta i no baim ol ples

husat i nogat sans na i no save soim stail na pilai bilong ol long bipo.

"Wok bilong kirapim na strongim soka namel long ol yangpela i bikpela samting. Dispela bai helpim ol long kamap gutpela pilaia long taim bihain," Peka i tok.

Em i tok dispela program bilong em bai bihainim wankain plen bilong olpela seketeri

yet. Wan wan senta i mas baim K1,000 na i karamapim kos bilong haus slip, kaikai na rot bilong i go i kam long ples bilong pilai.

Na dispela i mekim presiden bilong MFF, Jones Bernard long kros nogut tru. Em i no amamas long pasin planti senta i wokim bikos ol i no bihainim ol promis bilong ol.

Bernard i tok Popondetta na Wabeg tasol i baim K1,000 dinau

bilong PNGFA, Andrew Waho i bin laik kamapim.

Dispela tingting bilong Peka bai kamap ples klia long Sarere taim ol eksekyutiv bilong Morobe Kantri Soka Asosiesen i bung.

Long dispela bung ol bai makim tu wangepela komiti bilong lukautim asosiesen na ol wok bilong en.

bilong ol. Ol narapela lain husat i no baim yet em Hagen, Goroka, Madang, Lae, Rabaul, Ramu, Buka na Kavieng.

Las yia tu i bin namba wan taim bilong Manus long lukautim kain bikpela sempionsip resis olsem. Tasol ol i no askim wan wan senta long givim ol mani pastaim. Nogat tru. Ol ples i amamas tasol na givim ol haus slip.



# Spaik Maik

MI NOGUT O?



HARIAP TRU EM RON I GO NA LUKIM BALUS IGO!!!



MAIK I WARI TRU EM SIUP LONG GRAUN NA KARAI NOGUT TRU!!!



NAU EM I GO BEK LONG OPIS NA SINDAUN KRAI I STAP!!!



I NO LONG TAIM NA TELEPON I KARAI!!!



SEKETERI ANSARIM NA TOKSAYE LONG MAIK!!!



TAIM MAIK I HARIM OLSEM... KARAI BILONG EM I PINIS!!!





# REBO

TUPELA GO KAMAP LONG KIUNGA GEST HAUS NA DRING LONG HAP...

...TOKIM MI, MAIK... HETKWATAS LONG MOSBI I OLESEM WANEM OLETA SAANTING I ORAIT O I GAT SAMPELA SEANIS!

OH YES!! OLEGETA SAANTING I ORAIT, TASOL I GAT SAMPELA SEANIS I KAMAP... OLESEM NA MI KAAA LUKIM YU, HIA...

INSPEKTA MAIK I TOK KUIA LONG RAUN BILONG EM...

OH TRU, AHZ TOKIM MI, ..ER.. WANEM SAANTIN KAMAP LONG, HETKWATA.

OH I LAIK YU GO BEK KOK LONG HETKWATA, MENESIM OLEPELA OPIS BILONG YU!

TASOL MI LAIK STAP HIA LONG KIUNGA.. TUPELA YIA MI STAP LONG NA MI MEKIM PLANTI PREN LONG HIA!

TRU TUMAS, TASOL YU SAVE?.. OLE BOS LONG HAP I LAIK YU GO BEK NA LUKAUTIM OPIS...

...YU TINGIM OLEPELA BOS BILONG YU?... POL SMITH.. EM BAI LISIM KANTRI NA EM I LAIK YU GO BEK NA KISIM PLES BILONG EM.

POL SMITH?!... AHH, TARANGU! EMI GUTPELA BOS BILONG MI!.. BAI MI MEKIM WANEM NAU!

MASKI! MI MAS TINGTING LONG DISPELA PAS-TAIM... HEY, BAMAN TU BIA, PLIS?

OKE! TUPELA BIA I KAM NAU!

TRUYA! BIA BILONG MI PINIS, YAH!

REBO SINDAUN NA TINGTING PLANTI I STAP...

BAI MI MEKIM WANEM?... MI LAIK STAP LONG HIA.. TASOL GUTPELA BOS BILONG MI BAI GO NA EM I LAIK MI GO BEK NA KISIM PLES BILONG EM..

KAMON REBO.. TOKTOK LIKLIK! MAUS I PAS, AHZ.. KAMON DRINK-AP! BIA HOT NAU!

**NEW YEARS SPECIAL!**

**INTEGRITY** \*

## RICE COOKER OR TOASTER

**RICE COOKER**

Choice of 3 models

- UR18c (1.8L) K49.95
- UR22c (2.2L) K59.95
- UR28c (2.8 L) K69.95

Cool Touch Electronic 2 Slice Toaster only **K32.95**

**Brian Bell Stores**

Prices may vary outside main centres

# Musik Televison na Komik

## EM TV

### Solo musik atis bilong Simbu redi gen

MICHAEL KOMA i raitim

WANPELA nem musikman bilong SinaSina distrik long Simbu provins i amamas tru olsem planti lain

## PNG TOP 20

AS AT 20/02/93

NO.	SONG	ARTIST
1 (2)	Peace In PNG	Telek & Friends
2 (1)	Bilas Peles	George Telek
3 (5)	Rowena	Barike
4 (3)	He Turned My Morning	Sikal Kelep
5 (4)	Ailan Bilong Mi	Shutdown
6 (11)	Boram Sunset	George Telek
7 (12)	Local Raggae	B. Greg/C. Kivovon
8 (6)	Krai Bilong Ol Grassroots	Kopex
9 (7)	Swit Bougainville	Trouble Zone Band
10 (10)	Poin Palawat	Kanai Pineri
11 (9)	Iau Serious	Painim Wok
12 (8)	Sila	Memehusa
13 (14)	Anita	J. Wong/G. Telek
14 (0)	If Ever I Say Goodbye	Kales Gadagades
15 (13)	Namisali	Telek/Kuskus
16 (0)	Pus Stat	Kavanamur
17 (15)	Betty Betty	Rabbie Gamenu
18 (16)	Mi Save Wari Tru	George Telek
19 (0)	Talaigu	Painim Wok
20 (18)	Eni Mihae	Voice In The Wind

• Ratings based on requests on Radio Kalang and not cassette sales.

i wok long baim namba tri kaset bilong em. Dispela man em Dickson Mogia husat i bin katim kaset bilong em wantaim CHM studio long Mosbi long mun Desemba, 1992. Wanpela singsing nau i wok long katim stret lewa bilong planti lain long Simbu, Hagen na Goroka em *Simbu Lewaya*.

Long olgeta de, Redio Simbu tu i save pulap tru long ol pas bilong ol lisena husat i laikim dispela singsing.

Dickson i tok, "Mi no laik resis wantaim ol arapela solo musik atis long kantri. Mi laik kisim tasol ol dispela singsing tumbuna bilong pasin pren long Simbu na putim long musik wantaim ol kain samting olsem gita, kibot na ol arapela samting."

Pastaim long em i go katim kaset wantaim CHM, Dickson i bin katim tupela namba wan kaset bilong em wantaim Pacific Gold studio long Rabaul. Het tok antap long tupela kaset ya em *Dickson Mogia of Simbu*.

Em i tok long nau yet, em i wok long redi long katim namba 4 kaset bilong em. Em bai wokim olsem wantaim Kumul studio long Goroka. Em i katim pinis 10-pela singsing wantaim helpim bilong olpela pawaman bilong Whagi Hellcats, Pat Siwi.

Na nau ol i wok yet long redim dispela namba 4 kaset bilong Dickson. Na taim ol i pinis, dispela ol kaset bai stap long ol stua nabaut long kantri.

THURSDAY 25TH FEBRUARY, 1993	TIME	PROGRAM	REMARKS
5.27		STATION OPEN	
5.30		ITN NEWS (G)	
6.00		TODAY SHOW (G)	
8.00		STATION CLOSE (G)	
1.27		STATION RE-OPEN	
1.30		RAY MARTIN (CA)	
3.00		KIDS KONA	
4.00		SESAME STREET (G)	
4.30		FAT CAT	
4.30		SCOOBY DOO (G)	
5.00		WHERE ARE YOU (G)	
5.27		TEENAGE MUTANT NINJA TURTLES (G)	
5.29		EMTV TOK SAVE	
5.30		HOME AND AWAY (G)	
6.00		NATIONAL EMTV (G)	
6.30		A CURRENT AFFAIR(CA)	
7.00		SALE OF THE CENTURY (G)	
7.25		MUSIC NEW RELEASE	
7.30		RUGBY LEAGUE	
8.00		CHALLENGE 1ST FINAL	
9.30		NCDC NEWS	
9.35		NEIGHBOURS (G)	
10.57		EMTV TOK SAVE	
10.00		FRIDAY NIGHT MOVIE: TBA	
11.30		NATIONAL EMTV NEWS	
11.57		MEDITATION WITH PASTOR WALO ARNI	
00.00		STATION CLOSE	
SATURDAY 27TH FEBRUARY, 1993			
10.27		STATION RE-OPEN	
10.30		SKY ROCK (G)	
12.00		WIDE WORLD OF SPORTS (G)	
4.00		GILLETTE (G)	
4.30		THE ADVENTURES OF SEASPRAY (G)	
5.27		MUSIC NEW RELEASE	
5.00		BEYOND 2000 (G)	
6.00		NATIONAL EMTV (G)	
6.30		HEY IT'S SATURDAY (G)	
8.30		FOCUS (G)	
9.00		BURKE'S BACKYARD(G)	
10.00		HAWAI 5-0 (PGR)	
11.00		NATIONAL EMTV NEWS (Replay)	
11.30		NATIONAL EMTV NEWS (Replay)	
11.57		MEDITATION WITH PASTOR WALO ARNI	
00.00		STATION CLOSE	
11.30		NATIONAL EMTV NEWS (Replay)	
12.00		BUSINESS SUNDAY (G)	
1.00		SUNDAY (G)	
2.30		DOCUMENTARY SERIES (G)	
3.00		GUNSMOKE (G)	
4.00		SPORTS SUNDAY (G)	
4.47		MUSIC NEW RELEASE	
5.00		GUNSMOKE (G)	
6.00		NATIONAL EMTV NEWS (G)	
6.30		RUGBY LEAGUE CHALLENGE 2ND SEMI FINAL (G)	
7.25		EMTV TOK SAVE	
7.30		TBA (G)	
8.30		SUNDAY NIGHT MOVIE: "Earth Girls are Easy" (PGR)	
10.10		CHIT CHAT WITH SIR PAULIA MATANE	
10.20		RUGBY LEAGUE CHALLENGE	
00.00		NATIONAL EM-TV NEWS (Replay)	
00.27		MEDITATION WITH PASTOR WALO ARNI	
00.30		STATION CLOSE	

G - General Exhibition  
CA - Current Affair  
PGR - Parental Guidance Required  
M - Mature Audience

# raun bilong SUZ na UKI wantaim CHIEF



TRAIPELA REN NA CHIEF INO INAP LUK LUK LONG ROT NIA EMI STOPIM KAR...



YUMI WET IGO REN I PINKS... MI INAP LUK LUK GUT!

TASOL CHIEF... EM BAI TUDAK NAU YAH! TRAM LAIT BILONG KAR!



NAU CHIEF I ONIM LAIT BILONG KAR NA OLGETA PLES IKLIA GUT TRU LONG TRAIPELA REN...

HEY, UKI! YU TOK STRET, YAH! OLGETA PLES IKLIA GUT TRU!

HA! HA! HA! NA YU TING LAIT BILONG SUZUKI CHIEF I OL SEM KEROSIN LAM AH?



NAIT NAU OL IKAM KAMAP LONG LAE..

SUZ! UKI! YUMI KAM PINKS LONG LAE... OH! OL I SILIP PINIS..

ZZ ZZ



OL IKAM KAMAP LONG LAE LONG TRAIPELA NAIT STRET... BAI OL I PAINIM HAUS BILONG TUMBUNA O NOGAT? MOA NEKS WIK!

# Ol askim bilong Wantok

## Winim wanpela WANTOK rop bilong hangamapim ki.

(Wanem samting yu mekim em long bekim tasol ol askim i stap daunbilo)

1. Hamas yia yu baim Wantok?  1-pela  tripela  moa long 5-pela
2. Em isi o hatwok long painim na baim Wantok?  isi  hatwok
3. Yu baim Wantok long stua o long ol manki long strit?  stua  manki
4. Taim yu baim Wantok, wanem hap bilong niuspepa yu save ritim pastaim? .....
5. Yu amamas long ritim wanem hap tru long Wantok?

Makim ol tripela yu laikim tru. No ken makim moa long tripela.

- |   |  |  |
|---|--|--|
| <input type="checkbox"/> Spot           | <input type="checkbox"/> Toro          | <input type="checkbox"/> Tu Minit Tingting |
| <input type="checkbox"/> Wol Nius       | <input type="checkbox"/> Stori Tumbuna | <input type="checkbox"/> Biabia            |
| <input type="checkbox"/> Ol pas         | <input type="checkbox"/> Plis ripot    | <input type="checkbox"/> Rebo              |
| <input type="checkbox"/> Provins Nius   | <input type="checkbox"/> Laiplain      | <input type="checkbox"/> Spak Maik         |
| <input type="checkbox"/> Ragbi lig nius | <input type="checkbox"/> Kanage        | <input type="checkbox"/> Musik/Television  |

6. Kolim nem bilong tupela samting yu les long ritim
  - a) .....
  - b) .....

7. Wanem ol Wantok resis yu laikim?

- Wantok bingo-  yes  nogat  
 Namba resis-  yes  nogat  
 Painim hamas mani  yes  nogat  
 Ol arapela .....

8. Taim yu ritim Wantok pinis, hamas moa manmeri save ritim?  
Raitim namba bilong ol manmeri .....

9. Yu save laikim ol Wantok spesel/saplimen o nogat?  
 yes  nogat

10. Wanem arapela samting yu laik bai kamap long Wantok Niuspepa?

- a).....
- b).....
- c).....
- d).....



11. Yu laik lukim moa poto o moa stori long Wantok?  
 moa stori  
 moa poto

12. Wanem samting bilong bipo yu laikim bai kamap gen?

- a).....
- b).....

13. Wanem ol arapela niuspepa tu em yu save ritim. Makim  $\checkmark$  long bokis.

- PNG Times
- Weekend Sports
- PNG Business
- Post Courier

14. Yu save lukim televisen tu o nogat?

- Yesa
- Nogat

15. Yu save harim redio tu o nogat?

- Yesa
- Nogat

Nem bilong yu: ..... Adres: .....

Krismas bilong yu: ..... P.O. Box .....

\* Salim i kam long:  
Wantok Askim  
P.O. Box 1982,  
Boroko, N.C.D.

\* Sapos yu stap klostu long ol dispela hap long daunbilo, go long ol na putim bekim bilong yu long bokis ol bai putim i stap:

**LAE:** Voco Point Trading  
P.O. Box 615,  
Lae, M.P.

**MADANG:** T. Tam Yan,  
P.O. Box 19,  
Madang.

**RABAU:** Barike Trading  
P.O. Box 1074,  
Rabaul, E.N.B.P.

**HAGEN:** John Fosters  
P.O. Box 76,  
Mt Hagen, W.H.P.

**GOROKA:** Bintangor Trading  
P.O. Box 3,  
Goroka, E.H.P.



# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.